


"AÑO DE LA REGIONALIZACION"

MATSESEN CHIAMPID



Nëish matses istuidaid

Naden: -Piushën bënuac capuquin nëish matses isoshambi -quequin con matses mëdimbon chuipac cadened chuinu. Capuec nidpac cadenec. Abi nidec. Abi nidec. Abi nidec.

Nidquimbien piushëmpi pictsëcquidëmpi bedpac cadenec. Beshun podqued pocuenuidtsëcshumbi posnoen cüeste tepac cadenec. Cüeste teshumbien posac cadenec.

Adashien ushë abucquio icsho isash: -Podqued cuëman nidquin shuinte cüesbidanec nidnu -quiac cadenec.

Ashobien bënuapac cadenec. Podqued nibëdec. Tantiadenquo.

Adoaquien capucuen-capucuempac cadenec. Abi capucuen-capucuenec, piushën niac.

Capucuenequimbien shaëba istuidquin, tauac cadenec. Isquien tiedëmpi sedquepec. Ashun isquien tiedëmpi neshcaic, shaën.

Ashobien tutuapac cadenec. -Tu tu tu tu tu ëë aaaa. Abi nidendac, mama shaë -capac cadenec.

Adoaquien: -¿Con na nibëdacnodabi mama shaë caben-cabenec? Ebi mama shaë caic -quianec mecte sanan-sanampamboec pudunchopac cadenec. Cüeste caic mecte quiac cadenec.

Pudunchoshobien: -Èbien nec, mama -capac cadenec.

Adoaquien: -Che. ¿Con namenda niash? -quepac cadenec.

Adashien: -Cho, mado -quepac caondash.

Adashien: -Sia mëcuësnu cho, mado -quepac caondash.

Adoaquien: -Nid -quianec podquedën nidpac caondash. Abi nidec. Abi nidec. -¿Mida padquiden capec? ¿Tied nantanda capeque? Dectad cuësun chepëmbi -quiac caondash dada. Abi nidquimbien.

Abi nidquimbien cuëte tayun uëdësh-uëdëshcadopac caondash. Adoaquien shiëdë daëdpen tsadcuempac caondash, dëbiateno pichi-pichietsëcquiec.

Adashien padequi tsadpac caondash, shoebudash andëctsinquebudash.

Yuecquimbe tsadashien: -Mënëd-mënëdantsec -quepac cadenec. -Pemambo ictsec -quec adac cadenec.

Ashumbien chishoncodo istuishun pebanac caondash.

Ashun masioco dènesquin piøndash -quepac caøndash.

-Aidoshenda sia caposh. Ashumëntsimbi tied nantan dampoc.
Tied nantan cuëspanoequimbi danoc -quiac caøndash bënuaid.

Adashien shaë: -Sia misintsen isec nidnu, mado yësh
-quepac cadenec.

Adanec nidquimbi padpiden uedëshcadopac caøndash.

Adoquien shiedë misinëmpi tsadcuempac caøndash. Adashic
padpidimboec padequi tsadoapac caøndash.

Yuectaniashien: -Nëidien mëned-mënedantsec, mado yësh.
Nidnonid -quetanec chopac caøndash.

Adashien: -Mado, nëmbo mama tsauesën podqued nidendac.
Masi potebidantsec nidacnobi mama tsaues tied yec -quepac
caøndash.

Adashien nestuidpac cadenec. Adashic shubuno chopac
cadenec.

-¿Atotsi chiaid iso? -quequin chuimiaid

1. ¿Atotsi nasho podobitsin matses bënuapac
cadenec?
2. Bënuac capuquin ¿tsutsiba istuidpac cadenec?
3. ¿Atotsi acsho istuidpac cadenec?
4. Istuishun ¿mitsipaden matsesën cuëmpac
cadenec, papa quequin?
5. Adoac ¿atotsi epac cadenec shaë?
6. ¿Atotsi sanan-sanampamboec pudunchopac
cadenec?
7. Dada puduedacsho ¿atotsi acnu cho quequin
buampac cadenec?
8. ¿Siambobida capampic?
9. Choquin: -Nëmbo iquec -quequin ¿atotsi
chuipac cadenec?

Choshon puduedshun isquien di daëdpen tsiadec.

Ashobien: -Mama, min di utsi ëbi tseshun -capac cadenec.

Adoquien: -Di nibëdec, mado -quepac cadenec.

Ashobien: -Ma nè di tsiadpayoc, mama -capac cadenec.
Adoaquien: -Tèotadte nec -quiac caondash.

Ashobien: -Ma uguëctsec utsi tsiadpayoc -capac cadenec.
Adoaquien: -Tauëdadte nec -quepac cadenec.

Ashobien: -Ma uguëctsec utsi tsiadpayoc -caquien:
-Mëotadte nec -capac caondash.

Ashobien: -Ma uguëctsecquid -caquien: -Inotate nec
-capac caondash.

Ashobien: -Ma uguëctsecquid -caquien: -Mënsis otante
nec -capac caondash shaën.

Adashien: -Mado, ëbi tsitëdoec cho -quepac cadenec.
Adoac aïdbëdi diadtopac cadenec, ëdi mapi budcuempamboec.

Ashumbien shaën dëtsipistonepac cadenec. Adoaquien
matses dëmumëdtonetsëcquiec diadquin uicchun
pidbud-pidbudpac cadenec. Caëshcainquiocquin
pidbud-pidbudpac cadenec. -Ushnu -cac icsambo tsipis
noadpac cadenec.

Adashien badiadte anoenquiobi cachina cuëdboc
padënquiobi ushadenquiocnoc chieshtopac cadenec. Cuëte dapa
bacuë idbud-idbudaid sedquid bimboecquid nano diadpec.

Ashobien aïdi chicshun: -Tsipis shëdmianquiopectac
-queshun aton sedquidi tsitoccabud-tsitoccabudpac cadenec,
ushacno. Adoaquien tic pictsecquo tsipispac cadenec,
pistsec.

Asho tantiashumbien: -Pistsecquo tsipisec.
Naimëdbudec -quetanquin tsucus-tsucusquiocnoc buanac
cadenec. Adoaquien ënëdpac cadenec. Tsipisenquo icpac
cadenec.

Adnubien dada umanuc puduentanequien cuëte dapa tapu
mabud shaën dëdaïd tanidadpac cadenec. Badiadte anuentsëqui
nepac cadenec. -Ma badiadbono -quec cuëte tayun ompodac
cadenec.

Adash tantiec tsadnubien tënquiampac cadenec ën ën ën
badiadnubi. Abi tënquetsëcquiec. Abi tënque- tsëcquiec.
Tsipis paëmbocnoc tsitoccaïd chictanquin secaïc tënquebudpac
cadenec.

Adtanequien tsipisec tic nuambo tsipispac cadenec,
naimëdec chiquidnubi. Adtanequien nes puduempac cadenec.

Pudentanquimbien nidaid uédeshcapac cadenec, nēbi matses nidnubi, shaēn tauédeshcaboed utsiucbidi. Tic uédesh. Tic uédesh.

Adashien: -Ēndembi antapuashune catec, bon -quepac cadenec. -Cuesunec capatec, conī -quetanec puduedbon badiadbudpac cadeneec.

-¿Atotsi chiaid iso? -quequin chuimiaid

1. -Ēbi di utsi tshun -matsesēn cac ¿atotsi shaē quepac cadenec?
2. Di daēdpen chiec ¿mitsipadte nec quepac cadenec?
3. ¿Mitsi padectsi matses aīdbēdi diadtōpac cadenec?
4. ¿Atotsi quiash aīdbēd ushequi matses chieshtōpac cadenec?
5. Chieshtōshon ¿mitsipaden matsesēn napac cadenec?
6. Adoac ¿mitsipadpac cadenec shaē?
7. Tsitoccanec ¿mitsimbo matses cuempac cadenec?
8. Ompodshon isac ¿mitsipadōpac cadenec shaēn?

Adnubien: -Nēmbōen tsauesēn tied iquec, caoshe. Isbidanec nidnu -quianec puduanec nidpac cadenec matses. Abi nidec. Abi nidec. Abi nidec. Abi nidec. Chuīboedquiobi masi podtepac cadenec.

Aid potebidanec podquedēn nidquimbi tsauestsen istuidpac cadenec.

Istuidquin isquien tied mēshec. Tuish, tuish, tuish. Tuish tosh tosh.

Aton cadi taneshcashobien: -Tu tu tu tu tutuapac cadenec. -Tu tu tu tu tu. Abi nidendac, mama tsaues -capac cadenec.

Adoaquien: -Con na nibēdacno tsaues catiapibi. ¿Padquidēndabi con na nibēdacno mama tsaues caben-cabenec?

¿Mitsicquid icsa mama tsaues canec. Acshunechitono
-quetanec mecte sanan-sanampamboec pudunchopac cadenec.

Ashobien: -Èbien nec. Èbien nec, mama capac cadenec.

Adoaquien: -Che. ¿Con namenda niash? -quepac cadenec.

Adashien: -Cho, mado -quepac cadenec aidtsen. Adash
puduedpac cadenec.

Pudueshun isaquien aton chido icpac cadenec.

-Bédamboshè icpondash -quepac cadenec. -Aid matsesèn
bédamboen pemepondashi -quepac cadenec. -Con mado cadì
tanidtsinu. Beccho -queshun cadì pemepac cadenec. Ashun
isan noshan-noshampambocquid tanidtsinquin acmepac cadenec.
-Nua cubudondabi -quiac cadenec. Ano ushpac cadenec.

Adnubien tsaues: -Abentsec dada ushesaye. Neshcash
nidta, mado quepac cadenec.

-Tied nēshnu. Cho, mado tuish -quetanec bēnē puduenubi
chidon ictomepac cadenec.

Abi ictomeshobi chudpac cadenec. Adoash neshcaic
nidpac cadenec.

Neshcanubien nēdēnquiampac cadenec shubunoēsh. Asho
tantiashumbien bēnēn aton chido nēnquiacno
istan-istantsecquien neshcac cadenec.

Ashumbien bēnēn: -Mado, mimbibi tita chudosh yendac
-capac cadenec. Ashobien: -Ai, èbi ictomesho chudombi -cac
cadenec. Adoaquien: -Echo podon chimishumbimbi tita
chudquid, mado -quepac cadenec.

Adashien echo podo bedec nidpac cadenec. Ashumbien
echo podo bēpac cadenec. Ashumbien chimishac bédampac
cadenec, badedquio.

Adashic yuectaniashien: -Cho, mado -quianac cadenec,
dēnainquin mēshash. -Èmbi pantebanondaaid isan cuēsec cho
-cac: -Ai, nid -quianec nidac cadenec. Abi nidec. Abi
nidec. Abi nidec.

Nishun isan cuēstanquimbien isan tsidpac caondash.
Adtanec choquimbien aidēntsen chuipac cadenec. -Mado, nēmo
mama piushēn podqued nidendac -quepac cadenec.

Ashobien: -Èbi nidnu, mama -cac: -Ai -quepac cadenec.
Adoac chopac cadenec.

-¿Atotsi chiaid iso? -quequin chuimiaid

1. Shaë puduedsho isash ¿mitsimbo nidnuec matses puduampac cadenec?
2. Nidquimbi ¿tsutsi istuidpac cadenec?
3. Aidtsen ¿atotsi matsesën capac cadenec?
4. ¿Atotsi quesho matses acshunenquio icpac cadenec?
5. ¿Atontsin nua cubudondabi? quepac cadenec matses?
6. Bënë puduenubi ¿mitsipaden tsauesën chidon namepac cadenec, matses?
7. ¿Atotsi acnuen tsauesën echo podo bedtampac cadenec?
8. Podquedën choquin ¿atotsi aidentsen chuipac cadenec?

Choquimbi plushtsen istuidpac cadenec. Ashun isquien meshcapec. Ashobien aidtsen: -Abi nidendac, mama piush -capac cadenec. Adoaquien: -¿Con na nibëdacnodabi mama piush cabenec? -quetanequin mecte sanan-sanampamboec niechopac cadenec, shicshodo shicnëdpamboec.

Mecte sanan-sanampamboec chonobien: -Èbien nec, mama -capac cadenec aidtsen.

Adoaquien: -Che. ¿Con namenda niash? -quepac cadenec aidtsen.

Adnubien utsi: -Cuesunechitono -queuidpac cadenec. Ashobien tsusio dapan: -Chën -cac padenquio icpac cadenec. Adashien nuntan puduedpac cadenec.

Adashien: -Mado, mashcu dadan acshunac nidpac macuësh naquiadec seden-sedenquetsëcquiec chondabi -quepac cadenec.

Adashien aton madombo piushquio caic: -Mado, buchibëtan penu. Uanin tështan mado -quepac cadenec. Adoaquien aëdpenquio piush caniabo nidpac cadenec.

Adashien: -Mado, anete uanu nid. Cuëbu tēcchinu nid -quepac cadenec. Adanec nidac cadenec. Abi nidec. Abi nidec. Abi nidec.

-Cuëbu tēcchinquionuequien neque. Isnu nid -quianequi abēdi nidpac cadenec. -En nid, mama -quiac cadenec.

Nidquimbic cuête dadidiequid istuidpac cadenec.

Adashien: -Cuëbu tsadeque. Shude -quiampac cadenec, daēdpen dadidiesho isash.

Adacnoëshien pudunquin bedtanquin dēdumpac cadenec.

-Adquidshenda cuëbu caposh -quepac cadenec matses, isquid.

Ashobien aidi musuc pepamboen tsiboete uashun bēac cadenec. -Nuqui anete uaque. Nidnu cho, mado -quianec chopac cadenec.

Choash nuntan tsadnubi piush caniabon ambi uanin caid bē-bēac cadenec.

Ashobien tsusio dapan chuipac cadenec. -¿Ada shëshun mabudno nidquid tēsho? -cac: -Aidi dadan tuncaosh yësh -quepac cadenec. -¿Ma echo mabudno nidquid? -cac: -Aidi dadan tuncaosh yësh -quepac cadenec. -¿Ma taēpa mabudno nidquid? -cac: -Aidi dadan tuncaosh yësh -quepac cadenec. -¿Ma dadain mabudno nidquid? -cac: -Aidi dadan tuncaosh yësh -quepac cadenec. -¿Ada shēbi mabud yanocquid tuncaosh yësh? -cac: -Aidi dadan tuncaosh yësh -quepac cadenec. -¿Ma sēbuin mabudnocquid? -cac: -Aidi dadan tuncaosh yësh -quepac cadenec. -¿Ma piush bēchi mabudnocquid? -cac: -Aidi dadan tuncaosh yësh -quepac cadenec.

Adoaquien: -Aidquiobien uanin bēdactenec -quepac cadenec. -Aden tsusio dapan chuibanondash -quiac cadenec.

Adashien: -Mado, buchibētan penu. Uanin beccho -quepac cadenec. Adoaquien bēpac cadenec.

Ashun isquien shëshun icpac cadenec. Nēidic echo bacuē icpac cadenec. Tsusion mabud chuibocted cuête bacuē icpac cadenec. Macu-macupambo icpac cadenec. Maniedēn tididiquetsaidi mabēdtsaid nepac cadenec. Abuc cuēsambo icpac cadenec. Asho matsesēn isuidpac cadenec. Abentse-abentsec bēdambocquid chetequidquio cuête bacuēuidtsēqui chepac cadenec.

-¿Atotsi chiaid iso? -quequin chuimiaid

1. Tsauesēn chuiboed poquedēn nidquin ¿tsutsi utsi istuidpac cadenec?

2. ¿Atotsi acsho istuidpac cadenec?
3. Istuishun ¿atotsi matsesën caoapac cadenec?
4. Nuntan bëash ¿tsutsi acshunac seden-seden-
quetsécquiec chondabi quepac cadenec?
5. ¿Atotsi cac atotsi acnuéc plush caniabo
daëdpen nidpac cadenec?
6. Aido nidanebon ¿atotsi acnunid quepac cadenec
amé?
7. Adanec nishun ¿atotsi istuishun bedpac
cadenec?
8. Aid bëash tsadnubi ¿atotsi bë-bëpac cadenec?
9. ¿Uaninquioda nepac cadenec? ¿Mitsi padquid
nepac cadenec?
10. ¿Mitsi padquiduidquilo matsesën chepac
cadenec?

Ashumbien: -Mama ¿mitsishunquio con mashcu dadan
accondashe? Èbi ismec nid -capac cadenec.

Adoàquien: -Padi icnuna, mado. Mashcu accondaïd acme
-quepac cadenec.

Bacuëmpi cudasuntsécquien chepac cadenec. Adoac
bacuëmpi shubitsac cadenec. Shubitsec: -Adpa uanin icquid
pac -quetsec shubitsac cadenec.

Ashobien: -¿Uaninda oncapebac? -quetanquin
mapis-mapispac cadenec amèn.

Asho isashien ani: -Chën. Aden miqui mëyandenedi utsi
nibèdeque -quepac cadenec. Adash shubipamboec tsadpac
cadenec. Uitsun caïd chanën icpac cadenec. Aïdi shëta caïd
niteno diadpac cadenec.

Ashobien padpiden: -¿Midashunquio con mashcu dadan
accondashe? Isec nid -caoapac cadenec. Adoac: -Padicnuna
-queoapac cadenec.

-Padi icnuna -quequidi: -Baded èbi ismec nid
cado-cadoac puduampac cadenec. Puduaneç nidec. Abi nidec.
Abi nidec.

Abi nidequien. -Mado, isitapun-isitapunquien tincabëec chota. Taëuai -quepac cadenec.

Adcuidanec nidequien: -Mado uuu cuëte ushu-ushupa nidacnoshonquiobi naondashe. Iseco -quiac cadenec.

Ashobien: -Nëmbobi tsadta, mama. Embiquien istanu -capac cadenec.

Ashun isquien ambi piush posondaidquio icpec. Piush bitsi uepec. Cueste uepec. Ambi istenecnombo icpac cadenec.

Adashien piush bitsi cuesec abibi sidquepac cadenec. Yaaa yaaa tuc tuc tuc tuc tuc. Adnuc piush cuenac cadenec.

Adnubi matses chopac cadenec. Aton shubuno chopac cadenec. -Bënudash choshon aden chuibampac cadenec -quequin dada uaombi.

Adashic aton matsesbëdi nishun isac nibëdpac cadenec. Itiauidpambo icpac cadenec, piushën tied icbocno. Tsaesën tied icbocno adecbidi icpac cadenec. Shaën tied chedobi adecbidi icpac cadenec. Cuesunenumbien matsesën nibëmpac cadenec.

Aden chiac cadenec. Aid matses cuëmëdaid chiamo icpac cadenec. Padi. Aidedtsëqui chiac cadenec.

-¿Atotsi chiaid iso? -quequin chuimiaid

1. Cudasunac ¿atotsi piush bacuëbo quetsac cadenec?
 2. Asho ¿atotsi acpac cadenec amën?
 3. Asho isash ¿atotsi quepac cadenec ani?
 4. ¿Atotsi matsesën cado-cadopac cadenec, ambi amë caic?
 5. Adoac ¿mitsimbo buampac cadenec?
 6. Istuishun ¿mitsipaden matsesën piush cuemepac cadenec?
 7. Choshon matsesën aton matsesbëtan istanac ¿mitsipadquio piush icbocno icpac cadenec?
-

Chido piac cadened

Chianën chido piac cadenec, quequin chuinu. Chido beduan-beduanuidquimbic acac cadenec, penuen. Baded-badedquien maspan dapan shiad-shiadcashun piac cadenec.

Ashumbic chianën chido beshun buanac cadenec. Adashien: -Uënësosh -quetuidpac cadenec, badedi. Ashobien champi utsi menepac cadenec. Meniac nidpac cadenec.

Adashien badedquio choapac cadenec. -Con chido uënësosh. Dadan acshuniosh -quetuidoapac cadenec, amben petan-petanequi.

-Mëyadcueniobi, chido adoshonondac. Pambid neuantsenac. Min champi: Buanshunu, quetiadquidi dadan acshunondashi. Mëyadcuen-mëyadcuenash chobi, nachi. -caquien: -Në utsi ueque. Bed. Mibi mëyadeque -capac cadenec. Adoaquien champi utsi buampac cadenec.

Champi buantanequien badedquio choapac cadenec. -Dadan acshuniosh. Shuinte daëdpambo chusho dadan acshuniosh, con chido -quetuidpac cadenec.

Ashobien champi utsi menepac cadenec. Aton utsimpi madompibëtabi menepac cadenec. -Min embobëdi nidtan. Dauësën tēcchinaid mapi maishuctan -caquien aton chuchubëdi nidpac cadenec.

Nidquimbien champin toncodo istuidpac cadenec. Istuidash: -Madompi, toncodo didiqueque. Cuëstan -quepac cadenec champi.

Adnubien: -¿Mida? chuchu -caquien: -Diade uc. Daëdpen diadeque. Cuëstan, con utsimpi -queoapac cadenec. Adoaquien madompi dectatopac cadenec. Ashobien chianën cudan chuapac cadenec, tsitantsëcquien.

Adnubien champin: -Con utsimpi senda -capac cadenec. Adoaquien: -Con cania oncaimbimbi naic -quenubien champi: -¿Padquidënquioda oncapatec?. Con utsimpi cudan senda -capac cadenec. Adoaquien: -Con cania oncaimbimbi naic -queoapac cadenec.

Adnubien aton utsin cuësbud-cuësbudpac cadenec. -A ista, chuchu. Ambidi utsi. A nidec. Ashun utsi bedpac cadenec.

Adoanequien: -Cho, caniuva. Con pachid pemenuen mibi bēombique, caniuva -quepac cadenec bēdamboec. Adash shubuno nidac cadenec.

Adashien: -Anete uatanu. Pachid codocata -quianec nidac cadenec, muec.

Nidnubi champin badedquio pachid codocadoac cadenec. Pachid nēnidtsinashic codoquenubi ushtampac cadenec.

Ashobien aton utsimpin: -Baded en isec cho. Pachid chodqueque, chuchu. Mibi ushec. Isec cho -caquien: -Yuecquio ushtiadquiocnoc mibi timēnec, madompi -quiac cadenec.

Ashumbien sambudpac cadenec. Adashien: -Ushcasaneque. Dēco mishnonid, madompi -quianec nidac cadenec, acte ueteno.

Nishun taēmictsec mishquimbi: -¿Atoda canite? ¿Nēishamē caniteda nec? -queshun isquien matsesēn mapi canitembo icpec. Aton chun mapimbo icpec.

Asho isashien: -Adopen piashenda: Dadan acosha, quiondash -quianec dacuēdec champi ompodpac cadenec. Uanoshon isec tsadac cadenec.

¿Atotsi chiaid iso? -quequin chuimiaid

1. ¿Tauaquin atotsi chianēn chuiuandenepac cadenec?
2. Enquin ¿tsutsi buampac cadenec?
3. Podquedēn nidquin isac ¿atotsi didiquepac cadenec?
4. Madompi dectatoshon ¿mitsipadopac cadenec chianēn?
5. Asho isun: -Senda -caquien ¿atotsi chian quepac cadenec?
6. Shubuno nidash ¿atotsi quianec chian nidpac cadenec? ¿Abimbo chianecta nidpac cadenec?
7. Chian nidbon ¿mitsipadtsac cadenec champi?
8. ¿Atotsi quianec champi acte ueteno nidpac cadenec?
9. Aid mishquimbi ¿atotsi istuidpac cadenec?
10. Aid isanec ¿shubu nontambidida champi puduedpac cadenec? ¿Mitsimbo icpac cadenec?

Adnubien chopac cadenec chian. Endembi tiante shēcchicpash cuda sanan-sanampamboec chopac cadenec.

Shu-shuedtsécquien tantiaded-tantiadedtsécquiec choash
bèdectséccquio puduedpac cadenec, champi senuec.

Ashun isquien champi nibèdec. Diuidquien tse-tsiad-
quetsécquien icpec. Asho isashien: -Èndenquio se cachitec,
conl. Ènden piasanquiochitec. Endembien se capatec, conl
-quiampac cadenec.

Adanequien: -¿Mitsi nidan-nidano? Shuinte baded chushec
cho -quetanquin pachiduidquio pec tsadquimbien bëchunën
bacuë èctanampac cadenec: -Co co co co co. Èmbi bëchunën
bacuë bedoque. Baded bedec cho -quiampac cadenec muauaic.
amben senuec.

Ashumbic chëshèidën bacuëtsen èctampac cadenec. -Shued,
shued shued. Chëshèidën bacuë baded bedec cho. Cueneque.
Baded bedec cho -cac abi tsadec. Choenquio.

Adashic yuectaniashic padpidec: -Chododo chododo
chododo. Nè abucquidën bacuë bedec cho. Cueneque -queoapac
cadenec.

Ashumbic utsitsen èctampac cadenec. -Yuuu yuuuu yuuuuu.
Achun bacuë cueneque. Baded bedec cho -quepac cadenec.

Ashumbic uadën bacuëtsen. -Èmbi uadën bacuë
bèdapactsécquid bedoque. Isec cho -quiac cadenec. Adash
adecbidi uadën bacuë bimboec cuèdpac cadenec. Tsocon tsocon
tsocon tsocon tsocon.

Adashien: -Baded cho. ¿Mitsi nido? Uadën bacuë
cueneque. Baded bedec cho -quiac cadenec, omposhon champin
isnubi.

Adtanequien: -Tec èndembi se cachitotec, conl -quepac
cadenec.

Adtanepashumbien maspan cuète nënitsintampen aton uipu
sëntampen. Chiquish. Chiquish. Chiquish.
Shiadquianetsécquionoc shiad-shiadcapac cadenec. Cueste
cuëshën bidiac-bidiacpac cadenec. Aden shiad-shiadcatanquin
pepac cadenec, aton namibi.

Ashumbic uipu utsiuctsen sëntanquin badedi
shiad-shiadcatanquin pepac cadenec.

Ashumbic bësudquidtsen. Ashumbic bësudquid
utsiuctsen. Ashumbic pëshucutsen. Ashumbic pëshucu
utsiuctsen. Aidedi petanquin cuèdënquin tampac cadenec:

-¿Adectabi dadan macunèn cuèdèneque? Tanu -quequin. -Hè he hè he hè he hè he hè he hè he -quepac cadenec.

Adashien: -Tec. ¿Mitsipadpectsibi piasquie? -quiash nuamboshè intac piuten nocosh-nocoshquiac bipamboec tsadbudpac cadenec. A tsadtan-tsadtanequien yuec tsadpac cadenec, intac sienuc.

Ashumbien: -Tec. Made pobid bëca-bëcapacquid yobac -quetampen pucunombo sënuen pucumbo poshcac cadenec. Adash equianac cadenec. -Eee Èbi nacmèd tsadbudoque. Shèpi -quepac cadenec.

Ashobien champin niechoquin tècnanac cadenec. Adash champi choac cadenec ani yacno.

Ani yacno nishumbien champin chuituidpac cadenec. -Abibi unèsosh. Pucu pochiadanec unèsosh. Nidte uesquin sèn-sëntanec: Made pobid bëca-bëcapacquid yobac, quetanec posëmèdtanec abibi pucu tsadbudec unèsosh -quetuidpac cadenec.

Adnubien: -¿Abida cai? -cac: -Ai -quesho tantiashien: -¿Mitsipadentsi aco? -caquien: -Anobi uiosh Tèc. Ma uenu Aidèmbi con chu piacosh. Èbitsen setsenosh -quepac cadenec.

Asho: -Aid matses pado matsesèn nua pequid -quequin chian cain cuèmpac cadenec. Champin: -Abibi posëmèdosh -cac bishuctanshun pepac cadenec. Utsibon penquio icpac cadenec: -Chianchitomane -queshun. Abitsen matses uènèsaid pequid icquin con matsesèn piac cadenec. Padi. Aidedi.

-¿Atotsi chiaid iso? -quequin chuimíaid

1. Ompodash champi isec tsadnuc ¿mitsi padtsécquiec chian chopac cadenec?
2. ¿Mitsipadonoec chopac cadenec?
3. Choshon shubu anisquin ¿atotsi ispac cadenec?
4. Pachid pec tsadec ¿atotsi quiampac cadenec?
5. Adash ¿atotsi èctampac cadenec? ¿Mac utsi?
6. ¿Champi isenquiocnobida adpac cadenec?
7. Yuen èctantaneuidshun ¿atotsi pambid shiad-cadopac cadenec, penun?
8. Petanquimbi ¿atotsi caic: -¿Adectabi neque. Tanu -quequin tampac cadenec?

9. ¿Mitsimbo sēnec icsaquiopac cadenec?
 10. ¿Atotsi eshun matsesēn chian cuēmpac cadenec?
 11. ¿Chococaquinda matsesēn icpac cadenec?
-

Orën bëlsunaid

Aton chidobëdtsëc nidpac cadenec. -Uano petanu -quianec nidpac cadenec. Bëste natuidpac cadenec, aniatsëcnuc. Aton chidon bacuëmpi ictsac cadenec.

Adnubien inchëshbudtsëqui bëdi puduedpac cadenec. Ashun isaquien isan tauï yuedpamboec. -Matsesën ma shauï danu -queshun adopac cadenec.

Puduedashien ushtoenquo icpac cadenec, mapinouidi bonec. Ènden isuncundednec, mamosnoec.

Adashien ushenquo yash badiadpac cadenec. -¿Midapaden chava acnuec mibi acnu, quioque? Nid. Shëcten amë cuenacoshe. Aquec nid -quepac cadenec, dada caic. Shëcten amë caic chava quepac cadenec. Adoac nidpac cadenec.

Aton chido nuntambic icpac cadenec, bacuë uidëncuenaïdquo icuctsec.

Adnubien nadimbo yac cadenec. -¿Ada chopabosh? -quiac cadenec, aton bënë caic. -Nadimboen icpec -quiac cadenec inchëshbusho isash. Mapitsëcquo ushë yantsac cadenec.

Uditsëc ushë budnubien chopac cadenec bëdi. Bëdiuidi puduedpac cadenec. Aton bënë nibëdec.

Ashumbien ëquëducshun pabiaten tantiapac cadenec chidon. -Ambibi acpashien nec -quec cuëdenquo yec onquenquiocquin tantiec tsadpac cadenec.

Adnubien: -Shëcten amë pucu pocheco -quiac cadenec. Ashobien: -Bacuë në. Pochetanu -quequin bacuë menepac cadenec.

Ashun acte uetenoshon tsiboete uaid chicbudquin isquien bënëncu pucumbo icpec.

Adnubien nuntanuësh bacuëmpi sidbadtsac cadenec, mamosac. Eeeec quetsac cadenec.

Asho tantiatanequien ani cuempac cadenec. Abi titinquec. Abi titinquec. Abi titinquec. -Inchëshpec -queded-quededtsëcquiec titinquec. -Chiec nidnu -quec titinquec.

Abi titinquenubien inchëshbudpac cadenec.

Ashun tantiaquien: -On -quepec. -On on on on on on.

Ashobien: -Mibëshë matses uashun. Mibëshë matses uashun -capac cadenec.

Adoaquien: -Matsesini nec -quepac cadenec on.

Ashobien: -Min shëcuë shëcbud. Nadaquequidon con madompi acshunoshi iquec -caquien: -¿Atondanda nash? Bëdimbien nash -quepac cadenec on.

Ashumbien shëcuë shëcbudpac cadenec. Tëquëd, tëquëd, tëquëd.

Ashun puduedtanquin isquien aton chido chichun icpec, canite payupamboec.

Bënëbi tsitsumpi pistsëcquio ictsec. Aton shubumpi antadan-antadanquio ictsec. Ashun puduedmetanquin padpiden bëtashac cadenec.

Adashien: -On -quepac cadenec. -On on on on on on. Chosho tantia -quiac cadenec.

-¿Atotsi chiaid iso? -quequin chuimiaid

1. Tayec ¿atotsi quianec matses nidpac cadenec?
2. Inchëshbudtsëqui ¿atotsi puduedpac cadenec?
3. ¿Atotsi aquec nid, quepac cadenec, dada caic?
4. ¿Nidashta dada aibëdbidi choapac cadenec?
5. ¿Atotsi chido nenetuidpac cadenec?
6. ¿Atotsi quiash nuntancësh bacuëmpi sidbadtsac cadenec?
7. Asho tantiatanec ¿mitsipadpac cadenec chido?
8. ¿Atotsi caic: -Mibëshë matses uashun -capac cadenec chidon?
9. Aden chiaquien ¿atotsi quepac cadenec?
10. ¿Atotsi aton chido ictsac cadenec?

Adnubien bëdi chopac cadenec. Cuëte podo chuibëpec onquec chopac cadenec. -Nëmbo chido choboc -cac: -Nëmbobi cuëscabenoshi -quepac cadenec cuëte podo.

Ashumbic: -Ma ëna chido choboc -cac: -Nëbi nacmanebenoshi -quepac cadenec cüeste.

Ashumbic bëdin: -Ma ëna chido choboc -cac: -Nëbini tështadcuenosh -quepac cadenec isitodo.

Ashumbic uditsec nishun: -Ma ena chido choboc -cac:
-Nebini podtebenosh -quepac cadenec acte.

Ashumbic uditsec nishun: -Ma ena chido choboc -bedin
cac: -Nebi pecunebenoshi -quepac cadenec bepucte pdo.

Ashumbic: -Ma ena chido choboc -cac: -Nebini
masiuidcuemposh -quepac cadenec buintad, cuete dapa uequidi.

Ashumbic: -Ma ena chido choboc -cac: -Nebini
tatoshcabenosh -quepac cadenec tashodobi uibembi.

Adnubien: -On on -quepac cadenec. -On on on on on.

Ashobien bedin: -Ena chido choboc, on tsinis -capac
cadenec. Abi niacbidanec: -On, on on on on.

Ashobien: -Ma ena chido choboc, on tsinis -queshobien:
-Ne choshe. Aquec cho -capac cadenec onen.

Adoquien bedes bedes bedes dectatoshon shecuē
anisobien sic onen beisunac paedpac cadenec. Chesh tiic

Adashic yue-yuepambo yashien mc mc mc mc tsinquedo-
tsinquedopac cadenec.

Adashic padpidec pudundoapac cadenec. -¿Abedtabienda
mus-muscachitotiad? -quetanec bedes bedes bedes dectatoapac
cadenec.

Dectatoshon anisobien onen beisunac paedoapac cadenec.
Chesh tiic.

Adnubien yue-yuepamboec yashien padpidimboec mc mc mc
mc tsincataniashien: -¿Abedtabienda mos-moscachitotiad?
-quianec padpidec pudundoapac cadenec.

Bedes bedes bedes dectatoshon shecuē anisoashobien sic
beisunoac paedpac cadenec. Chesh Tiic.

Yuec uetanec dectatoashobic padpiden adoac paedoac
cadenec. Adashic padpidec yuec uetanec dectatoshobic
padpiden. Adashic yuectaniashien mc mc mc mc. Adashien:
-Padtsic. ¿Abedtabienda mos-moscachitotiad? -quianec
padpidec pudundoapac cadenec.

Ashun padpiden shecuē anisobien sic. Adoquien chesh
TIII. Adash nadimbo yanac cadenec.

Nadimbocsho isanequien budpac cadenec aton chido
chichumbedi.

Ashun ueshobien beisunquinc paisunquinc deisunquinc
cabanequiopac cadenec. Aton chido chichunen adembidi eshe

ansebanepac cadenec. Ashumbic pasequin. Ashumbic dësequin.
Adopac cadenec, unësnuc.

Adoanequi auebidi dectatopac cadenec. Ashobien chidon:
-Nidnu -cac: -Chata. Ma edeste budbono -quepac cadenec.

Adashic on: -Onën bëdi unësuaosh, quenda -cac: -Ai,
chienquo iquemi -quepac cadenec bëdin acboedën chido.

Adash edeste budan nidpac cadenec aton shubuno. -Con
bënë bëdin acosh -quequin chuituidac cadenec. Aden chidon
chiac cadenec. Padi. Aidedtsëqui.

-¿Atotsi chiaid iso? -quequin chuimiaid

1. Chido ambo icnubi ¿atotsi chedo chuibëec bëdi
onquetuidpac cadenec? ¿Atotsi utsi? ¿Mac
utsi?
2. ¿Atotsi bëdin on catuidpac cadenec?
3. ¿Mitsipaden onën ëcbedpac cadenec?
4. Adoac ¿mitsipadpac cadenec bëdi?
5. Asho ¿mitsipadopac cadenec onën?
6. Adoac ¿mitsipadpac cadenec bëdi?
7. ¿Abentsequida dectatouidpac cadenec?
8. Bëdi nadimbocsho ¿mitsipadpac cadenec on,
aton chidobëdi?
9. ¿Mitsipaden bëdi unësuaquiopac cadenec?
10. ¿Atotsi quenda capac cadenec chido, onën?

Shēcten amēn bacuē bedbenaïd

-Tautanu -quianec nimēduc nidash samēsho bacuē shēcten amēn bedbenshumpac cadenec, quequin chuïnu.

Capuec nidaniambi matsesēn chidouïdquïo icnuc shēcten amē chopac cadenec.

Ashun chidon tantiaquien anombobi tantiadcuempac cadenec shēcten amē.

Ashun isaquien shēcten amē daēdpenquïo shubu dayunquïobi niecuempac cadenec.

Adnubien chïdobo abuc niedopac cadenec. Cuēte mabudēmbien nechitāmpic.

Adnubien nadtiacquïn bacuē ictsacnobi nuntambi nadtia sedocuededtsēcquiash tabadpac cadenec, bacuē bedec. Shubu dayunquïobi bedbenac cadenec.

Adotanquïmbien nimēdtsēcquïdi bacuē bedbenac cadenec, choenquïocnoc.

Adnubien aton bēnē cho-chosho isashien: -Shēcten amēn bacuē bedbenosh -quecuededpac cadenec chïdobo.

Adnubien shēcten amē choenquïocpac cadenec, bacuē canïuapecta.

Aïd bedondan yuecshun matsesēn shēcten amē chuiuampac cadenec.

Adashien: -Shēcten amē nademboquïoshe. Shēcten amē actanu -quianec nidpac cadenec.

Nishun tantiaquien shēcten amē nademboquec. Itia nantanoēshquïo munquec.

Ashun isquien shēcten amē munquïacno bacuēmpi nidtsec. Itia ēshē todadacatsac cadenec.

Ashobien amēn: -Bednu -caquien badedquïo niepac cadenec.

Yuecquïmbo yashien shēcten amē choapac cadenec.

-Shēcten amē choacosh -quesho tantïashien: -Actanu. Con mado bedtanu -quianec amē nïdoapac cadenec.

Nishun istuidshumbien: -Dēniacshun bednu -caquien bedadenquïo icpac cadenec. Padpïdec cuenoapac cadenec.

Bedadenquïo icsho isashien amē shubu utsino chïec nidpac cadenec. Uano ambi mēdaïd aton mado chuïpac cadenec. Aïdi dada uidēnquïocquïd icsho chuïpac cadenec. -¿Ada con

mado bedtsia? Uimambo icobi. Con mado bedtiapimbo icquin niamedeniombi. Shēcten amēbēdi nishun ¿ada con mado bedtsia? ¿Ada uidēnquio ictsia? -quequin shubu utsin icquido chuipac cadenec.

Adoaquien: -Ai bedtsiambi. Abēdi nishun bedtsiambi -quepac cadenec.

Ashobien: -Bedec cho -capac cadenec. Adoac choac cadenec. Choash ano tabadac cadenec.

Adnubien padpidec: -Shēcten amē chosh -quetuiduapac cadenec.

Adnubien: -Bedtanu -quianec nidpac cadenec, dada uidēnquiocquid bedtamboed. Ano icquido daēdpen nidpac cadenec. -Con mado besho isnu -quec nidpac cadenec amē.

¿Atotsi chiaid iso? -quequin chuimiaid

1. ¿Tsutsiuidquio icnuc shēcten amē chopac cadenec?
2. ¿Mitsipadquid bedbentsac cadenec?
3. Shēcten amē munquiacno nishun ¿tsutsi itsac cadenec?
4. Istuishun ¿mitsipaden amēn nauidsac cadenec?
5. Bedadenquio icsho isash ¿atotsi quenuc nidpac cadenec?
6. ¿Tsutsi chuituidpac cadenec?
7. ¿Mitsipadquidquio shubu utsin chuitampac cadenec?
8. Bedtanaid tabanuc ¿atotsi chosh quetuidpac cadenec?
9. Adoac ¿tsutsi nidpac cadenec?
10. ¿Atotsi nasho istanu quianec nidpac cadenec amē?

-Con mado besho isnu -quianec nishun tantiaquien munquepec. Ashobien dēniacbudcuempac cadenec.

Abi ue-uedtsēcquiec nidnubien nēbi acte pedopac cadenec cheden.

Acte pedonobien cuète taue-tauedtsécquieac anoenampac cadenec.

Adnubien bacuëmpi nèbi chotsac cadenec, bēyuc-bēyucquieac.

Udiuësh abi canioaquid nademboquec chonoc bēyuc-bēyucquieac chotsécshobien nēuëshî pudunquin bedpac cadenec.

Comapenquien dayunquin bedaquien -Yaa yaaa yaaa. ëbi, papa. ëbi, papa -quedo-quedotsécquieac bacuëmpi sidquetsac cadenec.

Ashobien bedtanec buintad abuc uequidën nidtopac cadenec.

Adnubien bacuë sidqueoapac cadenec. -Yaa, yaa, yaa -queoapac cadenec.

Adnubien dēbiatē sanambededtsécquieac shēcten amē camondopac cadenec.

Adtanequien camun-camuntsécquieac nidpac cadenec.

Adnubien aton papantsen bedac ënēdenquio yec bacuëmpi sidquetsac cadenec.

Adec sidqueshobien dedoshon nontan bētsac cadenec. Shēdac icsambo ichadpac cadenec.

Ashobien amën: -Ëbi nec, mado -capac cadenec.

Adoaquien: -Con taimbi shēcten amē dampoc. Adquidbidi con pa dampombi -quepac cadenec.

Adnubien amën: -¿Mitsipadnombo ushonda? mado -cac: -Con ta nuamboshē icondash. Bēnēbi tembidi. Adquid nēnantanquio ushted-ushtedondabi -quiac cadenec. -Bomenquio icondashi. Pinchuc chicshumbic pemedenebi -quiac cadenec. -Con tabēd con utsi iquec. ëmbi chishdened tantiac con ta unēsquio iquec. Bēdi cuemequidquio con tachobēd con pa ictenec -quiac cadenec.

Yuectaniashic aton padibi canipac cadenec.

Ashobien aton matsesën: -¿Ada mimbi actantsia, mibi caniuaquid -caquien: -Padenquio ictsiambi -quepac cadenec.

Asho tantiashumbien: -¿Atotsi petsia? Mibi mēcmetsiambi. Tēcchintsécshodambi menenuc -quequin shauî nacnenshun menepac cadenec.

Adashien: -Ebi mado caquid naido dapambo ictenec.
Aidquio tēcchintanu -quianec nidpac cadenec.

Nishumbien aniamboquiduidi tēcchimpac cadenec.

Ambi tēcchinaid isashien: -Ad con ta yen ictenec. Ad con pa yen ictenec. Nēidien con buchido iquec -quiac cadenec, aniambocho isash.

Adnubien padpiden shēcten amē chuiuampac cadenec.
-Shēcten amē nadequiosh -cac nidash: -Ushun tauatan -quepac cadenec, abi caniuaidquio senush.

Ashumbien dēniacac cadenec aidēnquio.

Adoshombien dada uidēnēnquio tēcchimboc padomboembidi tēcchimbanac cadenec. Uditsecshun bush pacas. A udishun bush pacas. Ashun isquien chido nidaid maue-mauepamboec choec.

Nuambocho isumbien tēcchimpac cadenec.

Ashumbic nuaidquiobidi tēcchimpac cadenec. Aidedi.

Ashumbien nadambocain dedoac cadenec. Abi bē-bēquin.
Abi bē-bēquin.

Ashun isquien amēsio uepaic. Asho isac aton titambo uepaic. Asho istanquin aton shau podquēn-podquēnac cadenec, nibēdquiecnuc. Adash: -Ebi mado caondaaidquio siombi -quiash sedenquepac cadenec. Penquio yec adpac cadenec mēdimbo.

¿Atotsi chiaid iso? -quequin chuimiaid

1. ¿Mitsipadtsēcquiec munquiacno matses nidac cadenec?
2. ¿Mitsipadtsac cadenec bacuē, bedac?
3. Bacuē bednubic ¿atotsi shēcten amēn napac cadenec?
4. Aton papantsen bedac ¿mitsipadpac cadenec bacuēmpi.
5. Shēdac ¿mitsipadquio noadpac cadenec?
6. Sidquec ēnēdenquiocsho chiac ¿atotsimbi dampoc quepac cadenec?
7. Con tabēd con pa ¿mitsipadquidquio niondash quepac cadenec bacuē?
8. Asho tantiashun ¿atotsi aton matsesēn chuipac cadenec?

9. ¿Atotsi nacnenshunac amébi anibêta tēcchimpac cadenec?
 10. Siash ¿mitsipadec sedenquiac cadenec?
-

Shēcten amē cuēten tamēdaid

-Bacuē icsho shēcten amēn bedbenaïd caniacsho bedaidēn nadtenec shēcten amē -quequin chiaïd chuïnu.

Shēcten amē istuïshun matsesēn tēcchïmpac cadenec.

Adoiquien uu uu. Abi nidïnquec . Abi nidïnquec. Abi nidïnquec.

Ashun isquïen bushcante sananoaic.

Ashun nidïnqueshun isac bushcaoaic. Abi nidïnquec. Abi nidïnquec. Abi nidïnquec. Macuēsh niedpac cadenec. Uquē naquiadpac cadenec.

Adashien: -Tso. ¿Ada dobo chosh? -quequin tantiaquien nadïmbo. Nïdtuidac.

Adashien: -Pada. Chïdu petsēcquïdien nec -quepac cadenec. Bēchun caïc chïdu quepac cadenec. -Ad dobo yen ictenec. Nadtïamboen dobo ictenec. Nadtïambo ictenendac. Chïdu pequïduïdtsēcquïo nïosh -quepac cadenec. -Adquïduïo mïmbï isabi. Nadtïamboen ictenec. -quïanec chopac cadenec.

Choquïmbïen shēcten amē buïntad cuembo uequïd istuïdipac cadenec.

Istuidashien: -¿Tedta nibēdeque? Tamēdnuna -quïash tamēdpac cadenec. Tamēdac utsï nibēdpac cadenec. Utsï nibēsho isash sedenquecuededpac cadenec. Adash abi yacno nïdpac cadenec.

Anoshon tïshaid bacuēbo canïashien: -Ebi dobo isme -quepac cadenec.

Ashobïen tsusïo dapan chuïpac cadenec. -¿Ada dobo nïantsïa? Natïambo dobo icpadeneyoc. Padïcnuna, con chucado. ¿Ada dobo nïanquïotsïa? -caquïen: -Ai nïantsïambïque. Ebi dobo ismec nïd. ¿Mïda padquïo dobo ye? Isnu -quïac cadenec.

Ashobïen: -¿Adomboenda mïmbï dobo nïantsïaque? En ebēdï chota -quepac cadenec.

Adashien moequï: -Dobo chobosh -quetanec pudunec buïntad dapa mapudumpac cadenec. Abïa mapudunash auchïdï bïdiadpashquïo ispamboec tsadpac cadenec.

Adnubïen aton chucado auchïdï paēdtsac cadenec, mapudunabi.

Asho isashien: -Dobo mētantiapimbo mibi iquec, con chucado -quepac cadenec.

Adashien ēdibict̄sēc choec choec quetsashic padpidec: -A dobo choboshe. Pudun, con chucado -quetanec masi dapa sadaic anoentsēc shodombocquid pudumpac cadenec.

Adashien auebidi bīdiadpashquio ispanboec tsaduapac cadenec.

Adnubien aton chucado pudunuequi acte nēpaēdac cadenec. Utsi abentsēc puduntsac cadenec. Utsibon tan-tanquin potenuc utsibobi pudunpac cadenec.

Asho isashien: -Dobo mētantiapimbo miqui iquec, con chucado -queuapac cadenec.

Aduētsenec choquimbien matsesēn podqued pocuempac cadenec.

Ashumbien napotepac cadenec.

Adashien: -Taē isnushe. Taēuainda -quepac cadenec.

Adnubien dēbinēmpi abi matantsec cuentsac cadenec.

-¿Atotsi chiaid iso? -quequin chuimīaid

1. ¿Mitsipadquid matses chidu pequid capac cadenec shēcten amēn?
 2. ¿-Dobombo mīmbi isac -quecta onquepac cadenec shēcten amē aton matses chīec?
 3. -¿Abitedida con matses icpeque? Isnu -qeshun ¿atotsi shēcten amēn nac?
 4. Tamēdquin isash ¿mitsi padpac cadenec?
 5. ¿Atotsi quian-quiampac cadenec shēcten amēn canīabo?
 6. Adanesho ¿atotsi shēcten amēn aton canīabo tamīac cadenec? ¿Abentsenda tamīac cadenec?
 7. Aden canīabo tamēc ¿atotsi quepac cadenec tsusio, muequi?
 8. Shēcten amē tsusio dapan ¿atotsi aton canīabo cuēmpac cadenec?
-

Dëbinëmpi matantsec cuentsëcsho isashien: -Tsoc.
 Dobombi padodenec -quepac cadenec shëcten amë tsusio.
 -Dobombi padodenec -quec sho-shoshquetsëcquiec onquepac-
 cadenec.

Ashobien tēcchimpac cadenec.

Adoaquien niquiampac cadenec. -Dobo choboshe. Baded
 chobo, con chucado -quec cush-cushquepac cadenec. -Uuu uuu
 -quepac cadenec.

Adanequien niquianec aidquiobi bëyucampac cadenec. Tuc
 tuc tuc tuc tuc.

Ashun isquien bushcaic. Acte sebushun masi potebidanec
 nidinquequin isac bushcaic. Macuësh pudundoash abi
 nidinquec. Abi nidinquec. Abi nidinquec.

Adashic macuësh utsi.

Adashic macuësh utsi.

Adashic macuësh utsi pudundoash nidtuidec: -Tso.
 Tantia. ¿Ada choeque? -quepac cadenec. -Padac. Chidu
 pequidquio nec. ¿Adtactenec? -quepac cadenec.

Ashun isaquien daëdquiobi tēcchintsac. Daëdquiobi.

Adashien uinoapac cadenec.

Adashic yuectaniashien caniashbidi buintad tantuiduapac
 cadenec. Uditsëc dëniacac cadenec.

Adashien: -Ëbi dobo isme -capac cadenec caniabon.

Adoaquien: -En isec cho, uën chucado -quianec
 nidinquechopac cadenec.

Chosho isumbien matsesën chuitampac cadenec.
 uidënquidënquio uesuidnun.

Adanequien chuibamshumbien natiambo munquenubi dëbin
 cuempac cadenec.

Adnubien: -Dobo chobosh, cou chucado -quepac cadenec.
 aton chucado chiec.

Ashobien natiambocquin bushcapac cadenec.

-Dobo choboshe. Baded cho, con chucado. Dobo choboshe.
 Baded nique, con chucado -caquien aton chucado aid
 tsibananec uuuuuuuuuuu.

Ashobien nadancabampac cadenec. Daëdpen uespac cadenec.
 Bush pacas. A odi pudunshun bush pacas. A odi pudunshun
 bush pacas. Acte sebudsho bush pacas. Anobi uidënshun bush

pacas. Adobidanec udi titinqueshun acte sebudcuidanec pudundoash macuësh pudundosho bush pacas. Dëniaguec pudunshun nidaidënquio pudundosho bush pacas. Udi titinquequin macuësh naquiadbudshun sambud-sambudtsëcquien tēcchimpac cadenec. Daëdpenquio tēcchinash nidtuidpac cadenec, nibëdquiecnuc bushcante bushcash shëcuëuidquiocnoc.

Ashumbic nadambocain abitedishunquio dedoac cadenec.

Adnubien: -¿Enda isquio? Adquio ictenec, cac mi nedioc. Dobo ëbi isme, miqui quequioc -quepac cadenec, aton caniabo chiec.

Adashien niquiash tabadtuidpac cadenec.

Adashien: -¿Ada abitedi chosh? -quepac cadenec.

Adoaquien: -Padambo -quepac cadenec.

Adoaquien: -¿Tsutsi nibëdec? -quepac cadenec.

Adnubien: -Con chido nibëdec -quepac cadenec. Adash sedenquecuededpac cadenec.

Adnubien seuidaidën chinunpac cadenec.

Adashien: -En tanec cho -cac Tso, buintad cuembocquid potsectsëqui ictsec. -Is. Ad ictenec, caombique.

¿Maidembida dobon uesoshe? -quepac cadenec.

-Aden bacuë icsho shëcten amën bedbenac shëcten amëbëd icquin shëctenamë asho isoshambi -quequin chiac cadenedquio dada uaombi. Padi, aiddtedtsëqui.

-¿Atotsi chiaid iso? -quequin chuimiaid

1. ¿Atotsi isun: -Matses choec -quequin tantia-denepac cadenec shëcten amë tsusion?
2. Matsesën tauasho isash ¿atotsi quetanec niquiampac cadenec?
3. ¿Atotsi nec queoapac cadenec?
4. Yuctaniashien ¿atotsi queoapac cadenec caniabo, tsusio caic?
5. ¿Mitsi padquidënquio uestsempac cadenec?
6. Uestsenac ¿atotsi aton chucado capac cadenec?
7. ¿Tsutsi nibëdec quiash sedenquepac cadenec shëcten amë utsi?
8. ¿Mitsi paden aton matses utsi nibësho isnuen naoac cadenec?

9. ¿Tsuntsin shéctename asho tantiapac cadenec?

Uesnidèn ismebenaïd

Uesnidi matses icpac cadenec. Chuinu. Menabo ancuesec nidpac cadenec. Menabo amè nibèdquidtedi. Nèidtedi nidpac cadenec. Nèidic ani macho. Nèidic aton embo. Nèidic aton utsitedi. Nèidic anibèd choquid iquec, cania. Aïdtedi nidac cadenec. Cuète bitsi nidaïd cabiunaïd mui cabiunaïd buampac cadenec, ambi piaïdo. Adquid matsesèn piac cadenec, ènden. Nidpac cadenec. Abi nidec. Abi nidec. Abi nidec. Abi nidec. Ushtuidac caondash.

Ushtuïshumbi mui anin shuïpac caondash, taèmi ushtuïshun.

Badianubi muïbi pepac caondash aton madobèdtambi.

Muïbi piashic padpidec nidac caondash, capuec.

Abi nidquin tantiaquien uesnid uinpec. -Uesnid uineque. Setanu. Uesnid uineque. Tècchintanu -quianec Menapuduedampac cadenec. Puduedananec uinacno nidec. Abi nidec.

Shu-shuedtsècquilec nidquin isquien tsadpec. Mm Mm Mm. Uinec.

Ashobien Bush Pacas cuète cuidi abi tsadaïdquïo pasumpac cadenec. Bushcanten cuète pasumpac cadenec.

Adoaquien: -Cued. Ubu tsitèccanenda -quepac cadenec, maniedèn istampamboec.

Asho tantiatanequien aucbidi tsitsumiuèshi nidequi cuempac cadenec.

Ashumbien ani chuituidpac cadenec.: -Tita.

uesnidquiobi: Ubu tsitèccanenda, queposh. Matses bimboec onqueposh. Asho tantïash cuenobi -quepac cadenec mena, ani chuituidec.

Adoaquien ani: -Chuinunid. ¿Midauèshquïo nioshe? Isec nid, mado -quepac cadenec.

Adoaquien aucbidi aton mado nidpac cadenec. Abi nidec. Abi nidec. Nidquin isquien ambobidi tsadec. Abi uinec.

Ashobien: -Mibèshè matses uashun. Mibi con champi imenu. Amè nibèdnuc con madobèd mèyadcuenebique. Mibèshè matses uashun -cabud-cabudpac cadenec anin. Adoac anouidi uècquepashunquïo isac cadenec. Asho chuitanequi menabo choac cadenec.

Adobétseneo choequi ushtuidac cadenec. Ushtuidash menabo abiledi capuoc. nidaniao cadenec. Padnuen anuidtsequi nuntambi yac cadenec: -Mibëshê matses uashun -queboedquio.

Adnubien ushê abuctouidtsôcnubi Tic Nes.

Ashun isquien dada choec.

Ashobien: -Oc ¿Tsudabo miqui nependabac? -capac cadenec chidon.

Adoaquien: -¿Tsutsi: Mibëshê matses uashun, cadio? Aidi nebi -quepac cadenec. Adash tsadbudpac cadenec. Ashun isac piuten dênosh-dênoshquec nê uipuno uinosh-uinoshquec quetsash icpac cadenec.

Ashobien cuête hitsi nidaid cabiunaid, mui matsu nacnente cabiunaid, nisaid shêaid, quepen meniac cadenec. -Nê machi.

Ashobien pachidquio danquin nadopen bushtequin istampen nepac cadenec. Tic. -Pad pete yesa. Nidaiden nec. Peten méyadtsequien mibi nec -quepac cadenec uesnid.

Ashon netuidbocao isaquien uesnid uepec, aton chidobi cnesuneshun bêac. Ashobien neshcashun codoac cadenec.

Adnubien menabo cho-chopac cadenec, caputanec. Shuinte bêac cadenec.

Ashumbien: -¿Tsutsi uepec? -cac: -¿Tsutsi: Matses uashun, cadio? quepec chobosh nê -quiac cadenec ani.

Adnubien uesnid caic: -¿Tsutsi ne? -cac: -¿Tantiambodactio? Ma mibi titan chuisho tantiapaboc. Aidibi nec -quepac cadenec. Asho tantiash: -Ai, tantiequibi nec -quiampac cadenec menabo.

Adashic: -¿Ada mibi penionda? -ani canuc: -Pada, mui niosh -quiac cadenec uesnid.

Adnubien cuête hitsi nidaid cabiunaidi pepac cadenec, aid pec quenenuidômbi, matsesên.

Adnubien uesnid: -Adquidoshenda miqui pepec -quec isec tsadpac cadenec. Pesho ispec tsadtan-tsadtanashien ushtopac cadenec.

-¿Atotsi chiaid iso? -quegrin chu'miaid

1. ¿Tsutsi ancuesec nidpac cadenec? ¿atotsi

- buampac cadenec?
2. ¿Mitsipadsho tantiash: -Técchintanu
-quiampac cadenec menabo.
 3. ¿Capuquin tsutsi Menabon istuidpac cadenec?
 4. -Técchinu -cauidac ¿atotsi quepac cadenec?
maniedèn istampamboec.
 5. Asho tantianec nishun ¿tsutsi menan
chuituidac cadenec?
 6. Chuituidac choshon ¿atotsi uesnid tsasho
chuipac cadenec?
 7. Aton mado capuec nidan ¿tsutsi ani yacno
chopac cadenec?
 8. ¿Mitsipadquio uipu icpac cadenec?
¿Ma débiate?
 9. Chidon pemenu caqui ¿atotsi istanquin nepac
cadenec?
 10. Choquin ¿atotsi uesnidèn netuidac cadenec?
 11. Caputanec choquin ¿atotsi menabon petuidac
cadenec?

Adashien badiadnuc: -Menabo, padta pete icnuc mibi
peten mëyadtseque. Isec nid -quepac cadenec.

Adoquien ambi menabo caid niquiampac cadenec. Abi
nidec. Abi nidec. Abi nidec. Abi nidec.

Nidaid abentséquèn nidequi acte aniactsécquid dëdinanec
budtampac cadenec. Nestuidacno budanec nidquin isaquien
tied sedquec.

Adec pudundoquin isaquien mani sin-sintsécquio. Pachid
natia. A uquëtséc tied chucan isac piacbo natia
dasin-dasintsecquio.

Adnubien uesnid: -Padta pete ye. Is, Menabo. Padta
pete icnuc mibi peten chuduntsëcoque. Në mani ushu nec. Në
che -quepac cadenec.

Adoquien bitsi chobi toc-toccauidpac cadenec.
Ashobien: -Naden dastidcain che -quequin dastidcaquin
ismepac cadenec.

Adoshombic chuibampac cadenec. -Nëidic Mani nec.
Nëidic pachid. Nëidic dectad. Nëidic mani ushu nec -quequin
chuibampac cadenec.

Adoshombic dectad menepac cadenec. Adoac anin abi
chuiboedënquoio ëshëchobi cheshobi: -Mibi mucambocquid chec
-queshun ambes-ambescatsëcquin ismepac cadenec uesnidën.

Adoshombic pachid chicquin ismepac cadenec. Aden
ismeban-ismebantanec chopac cadenec. Pachid bëquinc mani
bëquinc tied chucan icquid piacbo bëquinc capac cadenec.
Tane dapa bëac cadenec abitedishumbi. Abi choequi. Abi
choequi. Abi choquimbi netuidac cadenec.

Ashobien: -Bishucshun pachid codoca -cac
bëbitsimpiuidtsëqui bishuetsac cadenec.

Ashobien: -¿Adenda bishucpaid? Naden na -quequin
ismepac cadenec.

Adoshombic: -Piacbo tauí -cac piacbo tauidec
tedesquesho isash dacuëdpac cadenec. Tedesquenuc
mëtocquetampac cadenec. -Bidiacnu -quenubien tes tes tes
tes quenubien padpidec mëtocquetampac cadenec.

Ashobien: -Adequi tauidquid ye. Adembi tauí -capac
cadenec. Ado aqui tantienquoio yec dacuëdpac cadenec. Asho
tauiquin ismepac cadenec. Aden ismeban-ismebanaqui
tantiabempac cadenec menabon.

Aden tantiabenshumbien: -Nëid uënembo inta -caquien
chibi bedpac cadenec uesnidën.

Adashien padpidec badiadnuc uesnid: -Cuëte podquëntan,
menabo. Ado aquien podquëmpec nidac cadenec, ambi menabo
caid.

Adnubien dëniaquec nidash: -Cuish tu tu tu cuish cuish
cuish -quiac cadenec.

Adec cuishquenubien titinquechopac cadenec aton mado.
-Tita, shauí beccho. Uesnid nodoshe. Tëcchintanu
-queshobien anin: -Ambo nidondac. Aidi niosh icnui -cac:
-Aidien nechitosh. Padi, tita. Abi shauí dectan
-quepac cadenec.

Adashien auchídi nishun cuëte bedtampac cadenec.
Bedtanshun podquëm-podquëmpac cadenec. Moco nibëdnuc
cuesten nacquëm bampac cadenec. Podquënshun

siatuid-siatuidpac cadenec. Adtanec ushtopac cadenec, pachid piash.

-¿Atotsi chiaid iso? -quequin chuimaid

1. ¿Atotsi ismenuen menabo uesnidën buampac cadenec, abi yacno buanquin?
2. ¿Tediti ismebampac cadenec? En chuiban.
3. Dectad meniac ¿mitsipadopac cadenec?
4. Pachid bishucnuen ¿mitsipadopac cadenec?
5. Piacbo shuinuac ¿atotsi quiash dacuëdpac cadenec?
6. ¿Tsutsi uesnidën bedpac cadenec?
7. Cuëte bedec nishun ¿tsutsi menan tēcchin-tsempac cadenec?

Adashien badiadnubidi uesnid: -Menabo ¿midapaden ancuesnuac mibi: Ancuesnu, quioque? Ancuesec nid. Isnü -quiampac cadenec. Adoaquien Menabo niquiampac cadenec. Abi nidec. Abi nidec. Abi nidec. Abi nidec.

Abi nidequi acte budtuidpac cadenec. Bushun isquien chonquen dapa diadec.

Asho isumbien ancuesnuen ancueste timpac cadenec.

Asho isashien: -¿Adopendacquid? Mëyadequien mibi neque. Cano ënapen icquid tetan, menabo -quepac cadenec uesnid. Asho teshuntanac: -Bushcuctsëcquio iqueque. Ënapen icquidquio tetan. Butauanotsëc budachintsëcquin natan -quepac cadenec. Asho ambi chiac tionquidquio teshuntampac cadenec. -¿Në tionquidta cao? -catuidac: -Ai, në tionquidquiombi caoc -quepac cadenec.

Adashien: -Uu tabadtan, menabo -quepac cadenec. -En isec cho, quianendabi -quiac cadenec.

Adoaquien uano niquiash tabadpac cadenec. Adnubien abentsëc omposhon isec tsadpac cadenec: -¿Midapadonoec neque? Isnü -quequid.

Aden isec tsadnubien acte nënantan cuëte nëctsinquecuenquidën cuempac cadenec.

Ashumbien nēnantanquio cano shucaid pumbudpac cadenec. Adnubien nibēdquieec acte uesadpac cadenec. Acte cuembocno nibēdquiopaic. Udi cuēsquebudcuenec. Nanombobi nibēdquieec, chonquen dapa diadbocono.

Adnubien: -Menabo, baded bedec cho -quiampac cadenec. Adnubien menabo niechopac cadenec. Niechoquin isaquien nuēcquid natia pesquedequetsēcquieec. Tanete chedo ped-pedquepamboec secte chedo ped-pedquepamboec nadequiac cadenec.

Adnubien cachita pudundoanec udi acte paēdpac cadenec, udi, chu.

Nuēcquid pesquedequetsēcquieecshobien tsitsanēn sandotan-sandotanquin mananuc siabudtan-siabudtanpac cadenec. Abi acte uesadmequid nēnan-tanquio nidec. Comapenec cano tacashquiac-cadenec. Tacash. Tacash. Cano bishucaid ishcudec, icbon aidēn uanuc.

Adashien: -Badedquie mananuc siabudtan-siabudtan. Acte choeque -quepac cadenec.

Adnubien daēdpenquio siabudtan-siabudtanshun padpiden sandotanec declatonobi acte chopac cadenec. Acte ēdi nidbudcuenec nidacboed padpidimboec dēccuēsqueoapac cadenec. Abic icboc padquiobidi cuenoapac cadenec acte, nē nuēcquid bedboc.

Adashien nuēcquid bē-bēec cho-choac cadenec nuntan, tane dapabi bē-bēec.

-¿Atotsi chiaid iso? -quequin chuimiaid

1. Pete uesquin ismetambosh badianubidi
¿atotsi uesnid quiampac cadenec?
2. Chonquen dapa diasho istuishun ¿atotsi
menabon nauidpac cadenec?
3. Menabon ancuestouisho isua uesnidēn
¿atotsi menabo chuipac cadenec?
4. Adoac cano shucaid ¿tiontsi icquid bēuidtsac
cadenec?
5. Cano ēnapen icquid bedanec ¿mitsimbo uesnid
nidpac cadenec?
6. Anoshon ¿mitsipadopac cadenec uesnidēn?

7. Adoac ¿mitsipadquoio acte yampac cadenec?
8. ¿Abitedimbobida Menabo vano tabadpac cadenec?
9. Uesnidën nac ¿mitsipaden menabon nuëcquid bedpac cadenec?
10. ¿Tedtsi bedpac cadenec?

Pachid tauain ismebocno bê-bêashic tied dëdec uditsec manëdac cadenec. -Tied dëd, menabo -quiampac cadenec uesnid.

Adnubien utsibon abëd icquidonquoio: -Ëndenquimbo menabo nidondashe. Istanu -quianquin isuampac cadenec. Matses isabi mani piaid ispac cadenec. Mani bitsi aid isuanash shubuno nidoaic: -¿Atoda menabon piayash? Tëstuc bacuë menabon piayash -quetuidpac cadenec.

Adashien: -¿Atoda menabon piacoshe? Batamboen noadoshe. Isec nidnu -quiampac cadenec.

Ashumbien anocquidontsen istuidpac cadenec. Aidontsen pete petuidpac cadenec. -Bëdamboshë iquec -quepac cadenec, nua cubudash tabadec. -Aidquiobimbi yuca laui maniaquec -queshun badedquoio tied dëshun maniacpac cadenec. Uesnidën chiac abitedimbo nitsimpac cadenec. Mani chedo, abi cadi chedo nitsimpac cadenec. Aid matses abitedi uesnidbëd icpac cadenec, uesnidën tiedno. Adnubien uesnidën menabon chibi impac cadenec.

Abitedimbo nitsimetanianquoio uesnid capuec nidac cadenec, aton menabobëdi.

Adtanec choacshobien aton chido: -Amicaosh. Cho-chondaïdon amicaosh. Adpa dada icquid yoc. Dëchoshcon dënëdpec icquid yoc. Uipu uidiadpec icquid yoc, chidobon mibi caosh -quiac cadenec, aton bënë chiec.

Adoac nëishpac cadenec uesnid. Nëishash ambi menabo caïdbëdi nidpac cadenec.

Aid nidan: -Menabo istanu -caquien itia dapauïdpambo icpac cadenec. Matsesbëdtan dëdaïd itia uainquïocquin matsesën tauamboen isbenondaïd itia uapac cadenec.

Adash nishun tantiac itia dapa nënantanshunquoio tec capac cadenec. Nënantanshonquoio nidtiapimbo yacnoshonquoio

piacbo macuespac cadenec. -Isedtanu -cac nidtiapicpambocpac cadenec, itia dapa.

Ishcud-ishcudpamboecsho isash: -Dëdbanshumbimbi istanchitec -queshun itia dëdaqui mentoadpac cadenec, èquëducquio. Adec ambi tauain isbenaïdbëdi menabobëdi aton tied itia uanec nidpac cadenec. Aïdtedi chuipac cadenec. Padi.

-¿Atotsi chiaïd iso? -quequin chulmiaïd

1. Nuëcquid bë-bëboshic ¿atotsi uesnid quiampac cadenec?
 2. ¿Tsuntsin Menabon piaïd pete bitsi istuidpac cadenec?
 3. -Pete bitsi nec -quenquiocquin ¿atotsi nec quepac cadenec?
 4. Menabon piaïd pete bitsi isanec ¿mitsimbo chopac cadenec?
 5. Pete petuïshun ¿atotsi badedi natiadquio icpac cadenec?
 6. ¿Atotsi cho-chondaïdon mibi caosh quepac cadenec uesnidën chido?
 7. Aden chiac ¿mitsipadectsi uesnid icpac cadenec?
 8. ¿Mitsimbo nidpac cadenec? ¿Tsutsibëd nidpac cadenec?
 9. -Istanu -cac ¿mitsipadquio mena nidacno icpac cadenec?
 10. ¿Atotsi nasho tantiapac cadenec utsibon?
-

Ushën imbudaïd

Iscun bacuë tësho tapu chic-chicpac cadenec, quequin chuïnu.

Matses utsibic: -Iscun bacuë tëshnu -quequin aton shubu dayun nidquidën cuëte iuise dapan iscun bacuë didiquesho isun: -Tëshnu -quequin iuise dapa datapu uapac cadenec.

Datapu uashien: -Tëshnu -quianec dectatopac cadenec. Dectatoshombien iscun bacuë tëshbud-tëshbudpac cadenec. -A con na bënë budec. A con na bënë budec -quian-quiampac cadenec.

Tëshnubien aton canïua shubu utsin icquid chopac cadenec. Choshon isquien aton dauësën iscun bacuë nebudpec. -A con na bënëmpi budec. A con na bënë budec. A con na bënë budec -quian-quiampac cadenec.

Adnubien aton canïua: -Con natsen na -quepac cadenec. Adnubien aton canïua ëcbedenquiocquin aton nauïdtsëqui tëshbud-tëshbudpac cadenec.

Ashobien aton chidon daëdpën tsindopac cadenec: -Con na bënë nec -quian-quiانشو.

Adnubien aton canïua nëishpac cadenec. -?Mac con na bënëuidpada quebac? ¿Tapumenda chic-chicchitotiad? ¿Con na nebud, caquida nebudempa? -quetanec detatopac cadenec, aton dauësën tapu uaid chicnuec.

Adnubien: -Muequi nebique. Chën. Con tapu chiquenda. Aid utsi bënë bedta. Muequini nioque -quepac cadenec.

Adnubien aton canïuan tapu chictanquin nebudpac cadenec. Aton tapu chicsho istanec shubiampac cadenec. Nadash budtiapimbo yec iuise dapa cuidin tsadtsac cadenec.

Tsadnubien inchëshbudpac cadenec. Inchësho istanec cuëte cuidian-cuidianacnombo tsadtotsac cadenec. Inchëshën shubido-shubidotsac cadenec.

Adnubien aton chido aton madobobëdi sedenquecuededpac cadenec.

Ashobien aton madon aton papa tapuashunuen cueste iuëmetsac cadenec. Utsibon: -Iuëmenu -queshobic: -Chën. Abëtabi aqueque. En budme -cac dacuëdtampac cadenec.

Adnubien aton chidon icsa bescashun cuëte dapa tayun secataniac cadenec, -Ma nëïd tocquec con bënë paëdnu

-queshun. -Nëmbobi paëdta, tantiaden yec paëdec -quequin aton bënë chuipac cadenec, lantiatsec tsasho.

Adoquimbien icsa tasiatan-tasiatantsac cadenec.

Adnubien ushë natiambo chënquiacno tsadtsac cadenec. Cuëte podo podquëntanequin aton mapino sando-sandopac cadenec.

Ushën chumbocquidën mapi mado-madombo maucudac.

Maucud-maucudquo ictsec tsadtsac cadenec.

Adnubien: -Atoda actiapimbocsho natiamboshë buna yanquin aton isuni actsac cadenec. Médanten canuntsécshun acto-actotsec tsadpac cadenec. Médante aucbidaëdi tedequi ushampac cadenec.

-¿Atotsi chiaid iso? quequin chuimiaid

1. ¿Atotsi acnuen iuise dapa datapu uapac cadenec?
2. Adnubien ¿tsutsi shubu utsinoësh chopac cadenec?
3. ¿Atotsi quiash nëishun tapu chic-chicpac cadenec?
4. Tapu chic-chicac ¿atotsi queuidtsac cadenec?
5. Cuëte cuidin tsadtsécquid inchëshën ¿mitsi padtsac cadenec?
6. ¿Tsutsi sedenquecuededpac cadenec?
7. Abuc tsadnuc aton madon ¿atotsi nauidtsac cadenec?
8. Aton chidon: -Ma nëmbo paëdnu -quequin ¿mitsi padopac cadenec?
9. Abuc tsadquin ¿atotsi actsac cadenec?
10. ¿Mitsipadquo mapi yampac cadenec?

Adnubien në choboc padquiec ushë chopac cadenec. Nëbi rapictséqui ushë usudpac cadenec.

Adec ushë usudshobien: -Mibëshë matses uashun. Vadaequidon con tapu chicshunebon tsadebique. Nëbi inësebique. Mibëshë matses uashun. Paëdebique -quepac cadenec, ushëbëd onquéc.

Adnubien ushë badedi: -¿Atoda? Matsesibi neyoc.
¿Atomintsi adpacquid? -quepac cadenec ushë, matses bimboec onquec.

Adashien: -Ambo tsadtono. Cuète cuidi dayunash tsadta -quepac cadenec. Adtanequien cuète cuidi ishcuttampamboec tsadtopac cadenec.

Adnubien onquetsac cadenec. -Nadaequidon tapu chic-chicshumboc tsadebi -quepac cadenec.

Adoquien: -¿Nadaequidënda mibi nash? Mibi chieshëñquidëmben mibi nash -quepac cadenec ushë.

Ashumbien: -Në pambid pe -quequin menepac cadenec. Meniaquien badedi pepac cadenec, shëcten amë pambid.

Pambid pemeshumbien: -Mibi budmenun con tote bedtanu. Nëmbobi tsadtac -capac cadenec. -Nidnu. Padpiden cuète cuidi dayun. Paède -quepac cadenec.

Adtanequien nidpac cadenec. Anobidi në usudbocpadquilec ushë usudpac cadenec.

Adashien padpidec onquepac cadenec. -Padpiden cuète cuidi dayun. Ambo tsadtono -quepac cadenec, padpidec choaic.

Adtanequien anobidi tsadtopac cadenec. Sedquid tote dapa bëpac cadenec. Bacuë denun daëdcacbob padquid aid ënapen icquid bëac cadenec.

Ashumbien: -Mibi budmenu. Nëidën tsitonque -caquien badedi tsitonquepac cadenec. -Cuesmaic, quequin tote cues-cuestac -quepac cadenec.

Adoshombien imbudpac cadenec. Tëquëd Tëquëd Tëquëd Tëquëd.

Adnubien: -Cuesmaic, quequin tote cues-cuestac -quepac cadenec. padembi: -Cuesmaic -quequin tote cues-cuespac cadenec. Ashobien aubidi indoapac cadenec.

Indoashien: -Cuesmaoshe. Tote utsi bedtanu. Nëmbobi tsadtac -quepac cadenec. -Padpidec nidnu. Paède. Padpiden cuète cuidi dayun -quepac cadenec.

Adtanequien padpidec nidoapac cadenec. Anobidi usudoapac cadenec.

Adtanequien onqueuapac cadenec. -Padpiden cuète cuidi dayunta -queoapac cadenec.

Adashien cuète cuidi ishcuttampamboecbidi tsadtoapac cadenec.

-¿Atotsi chiaid iso? -quequin chuimiaid

1. ¿Atotsi mapictsequi chopac cadenec?
2. Adquid chosho ¿atotsi matsesen cac cadenec?
3. ¿Atotsi quiac cadenec budnush, ushè?
4. ¿Atotsi ushèn pemepac cadenec?
5. ¿Atotsi toten imbudpac cadenec?
6. ¿Atotsi quequin cues-cuesta quepac cadenec?
7. Imbudac ¿nidaidènda budpac cadenec?
8. ¿Atotsi acnuec ushè nidpac cadenec?
- 9 ¿Ada choapac cadenec?

Ashumbien chuipac cadenec. -Èbi ushè cainda. ¿Ushédabi ne? Ibaini nec. Èbi ushè quequin cuèienda. ¿Ushédabi ne? Èbi iba quequin cuèntac -quequin chuipac cadenec.

Adashien: -En nëidèntsen tsitonque -quepac cadenec. -Uidènquiash diadtac. Paède -quepac cadenec.

Adnubien chiac padequi: -Paèdmane -quiash sedquid tote dapa cuèma bédamboen uidènoaic diadtovac cadenec.

Diadtoshobi chuipac cadenec. -Budobi, quequin naden tote cues-cuestac -quequin chuipac cadenec. -Nidenda. Abi tsadtac. Èbitsen budnu. Nidenda. Mibèd onquenu, budash tabadec -quepac cadenec.

Adotanquimbien imbudpac cadenec. Tèquéd. Tèquéd. Tèquéd. Tèquéd. Tèquéd. Tèquéd.

Adnubien aton chidon icsa cuète tayun tsindoaid tsitocquetsac cadenec.

Ashun isquien nèbi nidaid iquec. Nidaid icsho istanec badedi budtsac cadenec, maniedènquiobi tsitsun senuc. Budtanquin chuiboc padembi tote cues-cuespac cadenec.

Adnubien ushètsen budpac cadenec. -Nèidic shaè bèchi nendac. Nèid mibi uimanènquid puduedsho chemetac -quepac cadenec. -Nèid min chido cuète tsiadotsécshun cuesten

buenac-buenacmetséctac. Chuain natac -quepac cadenec.
 Puduedsho istanquioquin natac. Mibi tapu chic-chicondaidquoio
 nata nēidēnquoio. Aidquoio chemeta, auinbētabi. Adoshombic
 istac. ¿Mida padeque? -quepac cadenec. Matsumpin shaë bēchi
 menepac cadenec.

Ashumbic shoncate menepac cadenec. -Nē shoncate. Nēid
 nishun shoncatuidtac -quequin menepac cadenec. Aden mibi
 shoncatuisho tantiash mibi tapu chic-chicondaidi
 puduedendac. Puduedsho: Nē minembon ēbi caintsacboed,
 quequin menetac. Aid chonoc matsun nidquid acte
 chiuimbantac, Acte bondoash acte beccho, quenushe, queshun
 -quequin chuiban-chuibampac cadenec.

Ashumbic padpiden chiec. -Acte uetan, ēmbi cac nidash
 nadimboctac, quequin min chido chuitac -quequin chuipac
 cadenec.

Adoshombic pinchuc ēshē menepac cadenec. -Nēidēmbi: A
 shēcten choec, quequin bēquedshun setac -quepac cadenec.

Di pinchuc ēshē menequin chiequic. -A chede choec,
 quequin setac. Adoaquic shēcten amēendac -quepac cadenec.

Nunte ēshē menequimbic: -A senad choeque, quequin
 nēidēn setac. Adoac senadendac -quepac cadenec.

Ashumbic masioco menequin cuda tsitiaidēn sandoaid
 menepac cadenec. -Nēidic taēmi sanquinc mapimi sanquinc
 cash tanteuaic diadan-diadantac. Min shubu dayuntsen sanash
 inchēshēn tantiec diadta. Camun neque -quepac cadenec.

-Acquid yendac nēidēmbi -quesho isquien
 pistsēcquioctsec camun icliapictsecquoio. Ashun dēusumpac
 cadenec. -Nē buanec nid -caquien nidtsac cadenec.

-¿Atotsi chiaid iso? -quequin chuimiaid

1. ¿Atotsi quequin ēbi cuēnenda quepac cadenec
 ushē?

2. Budnush ¿mitsipadquidēn matses diadtotsac
 cadenec?

3. ¿-Budanec nid -quecta icpac cadenec ushē?

4. Imbudac ¿atotsi matses tsitocquetsac cadenec?

5. ¿Tsutsi puduedsho chemetac quepac cadenec ushē?

6. ¿Atotsi utsi menepac cadenec?

7. ¿Atotsi caic: -Camon nec -quepac cadenec?

Adashien tapu dateshumboed aton shubun chotsac cadenec. Choquimbi nuntan puduednuen aton chidon shicnëshaid uidëmetuidtsac cadenec. Puduednuen inchëshën niac cadenec.

Adnubien aton chido: -Abi con bënë choec -quetanquin shëcuë shëcchicshunac puduedtsac cadenec.

Ashobien: -¿Mitsipadectsi ico? -caquien: -Paëdobi. Mimbi tatsindotaniaidën nëshpud podon tocquec -quepac cadenec, muaic.

Asho aton chidon isaquien aton bënë pictsëcquio casenac. Manëdaid nibëdquiec maocudtsac cadenec. Badedi ushtoac cadenec.

Adnubien badiadbudpac cadenec. Adnubien aton chidobëdi onquianac cadenec. -ëmbi: Acte beccho, cac bëenda. Anobi icta -quequin aton chido chiac cadenec.

Ashumbien acte chiuimbampac cadenec. Ashumbien shoncate shoncac cadenec.

Adnubien abi tapu chicshunondaaid aton caniuva puduedpac cadenec. -Con dauësën shoncadenec padomboen shoncaique istanu, quianec chobi -quepac cadenec, ambi tapu chic-chicboedi caiqui.

Ashun -¿Paëdecta ico? dauës -caquien: -Ai, chuchun icsa cuëte tayun tsindoaidën tocquec paëdobi -quiac cadenec.

Ashobien ushën meneboed biun bimboecquid menepac cadenec. -Në ëbi min embon caintsacboed ëmbi cheboed napi. Petiapimbo iquebique. Che. Nain -quequin meniac cadenec.

Meniaquien badedi bedpac cadenec. -¿Mida? -quesho: -Min chidobëdtambi che. Min madompibëdtambi che -cac cadenec.

Adoaquien chiac padembi aton chidobëdtambi biun bieccquid ushën meneboed chiac cadenec. Ambi icuctsaid ambiuntsëcquin chemetsac cadenec.

Aden chiacnoëshien: -Acte beccho. Acnu -quiampac cadenec, uesquin acte chiuimbambon.

Adnubien aton dauës: -Acte beccho, queque. Acte beccho. Acmenu -quiac cadenec, aton chido caic.

Adnubien aton chido ambi chuiboc padequi: -Acte nibédec -quiac cadenec. Asho tantiashien: -Ma utsin na -quepac cadenec. Ashobi abitedishumbi: -Nibédquiec -capac cadenec.

Adnubien abi chemequid: -Baded acte ueshontan. Acmenu -quiac cadenec, muec. Adoac matsu bedanec nidboshon baded acte bēenquo icpac cadenec.

Adnubien: -¿Adac acte? Bundoquiobique. Baded acte beccho -quiac cadenec.

Adnubien aton dauës: -¿Adac? Baded acte beccho. Acmenu -quiac cadenec, aton chido caic.

Adnubien ambi chuiboc padequi aton chido acte ueteno nidash acte bēenquo anobi tsadac cadenec.

Adnubien aton canua: -¿Adac? Acte bundoquiobique. Baded beccho. Acnu -quiac cadenec.

Adtanequien: -Padquidquo acte buna mēmunambo ye. Baded acte bēenpa ye. Nuquin shubunobi acte aquec nidnu nid -quiac cadenec, aton chido caic.

Adtanequien puduentsequi shaēpac cadenec matses icboedquiobi.

Shaē bimboec yec shaētanquimbien mechodo uēdēshcadopac cadenec.

Adnubien aton chido bacuē tēdiadpamboen cuēte mabud tacheshcadopac cadenec.

Ashobien aton dauësēn: -¿Matses icsaosh, cate danectane? -quetanquin aton mecte bedbidanquin tēcuespac cadenec. Toc til.

Adotanquimbic aton chidotsen cuesuniac cadenec. Aton chidobēdi shaēacsho aton chidobētabi cuesuniac cadenec.

Aden cuesunesho istanequien aton chido: -Oc. Nadaepash miqi nendabac -quepac cadenec. Ashobien: -Nadequioshe. Iseco -cac cadenec, aton chido caic. Adnubien aid cuesunebon inchēshbudpac cadenec.

-¿Atotsi chiaid iso? -quequin chuimiaid

1. ¿Mitsipadēnquo aton shubun puduedtsac

- cadenec?
2. Aton chidon isac ¿mitsipadquio aton bënë ictsec?
 3. Acte caic ¿atotsi quequin aton chido chuipac cadenec?
 4. ¿Atotsi tantiash tapu chic-chicondaidi puduedpac cadenec?
 5. Pudueshun: -¿Paëdecta ico? -cac ¿atotsi quepac cadenec aton dauës?
 6. ¿Atotsi në che quequin menepac cadenec?
 7. Aid chiash ¿mitsipadpac cadenec?
 8. ¿Atotsi bëenquio icpac cadenec?
 9. Bëenquiocsho isash ¿atotsi quiampac cadenec?
 10. ¿Mitsipadentsi aid unësmiac cadenec?

Adnubien ushën chuïboc padembi ushën meneboed aton shubu dayun sampac cadenec. Adash shubun puduedshun masioco iapimi sanguinc taëmi sanguinc cash tantiec chuïbocpadequi liadpac cadenec.

Tantiec diadnubien: -Con matses shaë uaquid cuesunenu -quec chosho ushën meneboedën matses acpac cadenec. Tuc mus ius muc acac cadenec.

Adnubien badiadac cadenec. Adnubien badiadnuc puduenquin isaquien ëumpi bitsec shayaquetsac cadenec. Iatsesën manëdaïd dëdumbededtsec shayaquetsac cadenec. Iibëdquiecnuc matses piac cadenec, manëdaïduïdtsëqui samëdnuc.

Adec caputsëcshobi betan-bedtanquin sandoac cadenec. Ashumbic padpidec inchëshnuc padpiden aton shubu dayun sanoac cadenec. Adembidi di yacno sanoapac cadenec. Adenuïdi iac cadenec.

Adnubien aton matsesën chudsho istuïshun ushën ieniadën: -A senad uec -quequin cuëte seshumpac cadenec, iiste ëshë bimboecquïdën.

Adoquien badedquio senadpac cadenec. Senad bimboec

cuempac cadenec. Aden senad uatanec nuntan choac cadenec. Ambi nevoed niste êshê bieçquid bedabi choac cadenec.

Adnubien inchêshac cadenec. Adnubien badiashun ambi nevoed niste êshê bieçquid naden bedquin dabush-dabushcanubi senadboedi matsesash cho-choac cadenec.

Adnubien aton matsesên chuipac cadenec. -Mibi cuesunenuec cho-chosh -quequin chiac cadenec.

Adoaquien: -Ëbi cuesunesho isec nid, mado -quianec aton madobêd nidtsac cadenec. Ushên meneboed buanec nidac cadenec. Abi nidec. Abi nidec. Abi nidec. Abi nide uc.

Nidquimbi bêquedac cadenec. Isquien matses daêdpenquio choec. Aton tedi daêdpenquio bêac cadenec.

Ashobien ushên meniaidên naden bush-bushcatanquin cuête seshunac cadenec: -A shêcten amê choec -quequin. Adoaquien tabadtuidpac cadenec.

Adec tabadtanequien matses icboedi shêcten amê bimboec cuish-cuishquianec niquianac cadenec.

Ashobien aton cudambi daêdpenquio siac cadenec. Aid sebidanec: -Nuntantsen isnu -quianec nidac cadenec. Abi nidec. Abi nidec. Abi nidec.

Nidquin tantiaquien piacbo macuesec. Adnubien puduedtsac cadenec. Adnubien chidobo: -Oc cuesunenu, catsêcboedi tsusio chotsec -quepac cadenec.

Ashobien naden bush-bushcatanquin ambi piacbo macuesaid macueste seshunac cadenec: -Tacaish. A shêcten amê tsadec -quequin. Adoaquien: -Oc nuqui tsusion oncatsec -quepac cadenec. Adtanequien shêcten amêpac cadenec.

Adtanequien bacuê ueuecquetsêquiec niquianac cadenec. Niquianec acte uetenobi nêsebudpac cadenec.

Adnubien aton chuchu shêcten amêenquio icpac cadenec. -Matses, matses -cac shêcten amêenquio icpac cadenec. Abi yacnocquido shêcten amêsho istanec: -Oc ¿Atoda quepash miqui nendac? -quiac cadenec shêcten amê uanquidên chuchu, dacuêdec. Utsiboen aton acte uetebi nêsebudscho seshun siapac cadenec.

Adtanequien aton chu bedanec choac cadenec, aton shubuno choec.

-¿Atotsi chiaid iso? -quequin chuimaid

1. ¿Mitsipadentsi masioco sanash ushanepac cadenec?
2. ¿Mitsipadquo masioco badianuc shayac cadenec?
3. ¿Atotsi nibédquiecnuc piac cadenec?
4. ¿Mitsipadentsi senad uapac cadenec?
5. ¿Padpidec matsesenquioda icpac cadenec?
6. -Cuesunetanu -quec cho-choquido béquedshun
¿mitsipadoshon cuesun secac cadenec?
7. Puduesho ¿atotsi caboedi choec capac cadenec
chidobon?
8. ¿Mitsipadoshon aidotsen cuesun secac cadenec?
9. ¿Tsutsi abentséc shécten améabi icpac cadenec?
10. ¿Atotsi quepac cadenec shécten amé uanquidén
chuchu, dacuédec?

Mécueste istuidaíd

Podobitsin bénuac capuquin isondambi quequin chuipac cadenec.

Dada daéd capuec nidpac cadenec. Abi nidec. Abi nidec.
Abi
nide uc. Abi nide uc.

Enapen nishun isquien béchun bené dapabéd chëshéid
choec.

Cho-choshobien: -Né cho-choquidquo təcchinu. Istac
-queshun bushcanten təcchimpac cadenec. Təcchinac
paédpac cadenec. Chësh tiic. Chëshéid təcchinac
cadenec.

Ashumbien: -Néid abentséqui buanec nidnu nid. Némbo
pocuenec nidnu nid -quianec niduidtsac cadenec.

Nidquin isquien choboed nibédec. Aton taé tambanuidtsac
cadenec.. Uditséc nidac nibédec. -¿Némboda nuqui
chopoba? -queded-quededtsécquieac capucuen-capucuempac
cadenec. Abi capucuen-capucuenec.

Abi capucueniacnoshombi chëshëid nepac cadenec, acte nënequin.

Adoanequien abi choequi. Abi choequi. Abi choequi.

Abi choquimbien tied sedquiac bipecsho isquimbien cuête pushudpec.

Cuête pushudshobic: -Mayuen nechitec. Adtsëc nuquin matses
yenquien icondash. Buna natiambo ye. Nëidi cunesunemenu na
-quepac caondash aton utsi.

Adoaquien: -Nid -quianec nidquimbien shubumpi istuidpac cadenec. Pitsëc tiedëmpi. Shubumpi ictsec.

Asho isashien puduedpac cadenec. Nes.

Ashun isquien mëcueste nacho siapamboec tsadpec.

Puduedsho isashien: -¿Tsuda miqui nependabac?

-caquien:

-Èbi nec, chichi. ¿Nadaequidonda bënuaondac capucuenebi?

-capac cadenec.

Adoaquien: -¿Nadaequidonda mibi nanëdash? Quepauisun mibi
nenëdash. -quepsocadence mëcueste. Chëshëid caic quepauisu quepac cadenec.

Adashien: -Unësebi. ¿Midamboen con tied icondash?

-caquien: -Nënboen icondash. Min tiedën min pachid shubi pequidini nec. Min atsa shubi pequidini nec -quepac cadenec.

Ashobien: -En ëbi nec nid, chichi -capac cadenec matsesën.

Adoaquien: -Ma badiadnuna. Badiadshun netanu -quepaccadenec
mëcueste. Matsu dapa nëbicquid matsadadtanepen chimu nësiapen sicac cadenec. Nancbi nëshaidën matsesën taë diadpec, canonën piaid. Nëshaidën sauedshun cuête chipushampac cadenec: -Macun tishnushe -queshun.

-¿Atotsi chiaid iso? -quequin chuimiaid

1. ¿Tedtsi bënudnash nidpac cadenec?

2. ¿Atotsi quiash bënudpac cadenec?

3. ¿Atotsi tambanridtsac cadenec, bënudquimbi?

4. ¿Atotsi quecuen-quecuentsac cadenec?
5. Tiedémpi sedquesho isash ¿atotsi namenu quepac cadenec?
6. Puduedquin ¿atotsi macho istuidpac cadenec?
7. ¿Atotsi ambi uaid icmiac cadenec aid macho?
8. ¿Atontsin mibi bēnuanēdash, quepac cadenec?
9. -Unēsebi. ¿Midamboen con tied icpec? -cac ¿mitsipadquid ēbi nec quepac cadenec?
10. ¿Atotsi matsesēn capac cadenec asho?
11. ¿Atotsi nēshaidēn diadpac cadenec?

Adnubien bēdi uintuidpac caondash, mēcuesten bēnē caputanec choec.

-Tantia. Bēdi uintuideque -caquien: -Ambi chuiboc padequi chaido uintuidec. Chana bēcho acash uintuidendabi, queboc padequi uintuideque. Nē tabadec cho, baba -quepac cadenec.

Ashumbien cuēte bushcu nantanquin matses tabēctanquin matsu dapan bēdashpac caondash mēcuesten.

-Adequi tabadta. Dacuēdenda -caquien: -¿Camonēmbini accpendabac? -quiampac caondash matses.

Matsu équēduc tabādquin tantianubi hi hi hi hi edibitsēcuēshic.

Adashic hi hi hi hi edibitsēcuēshic.

Adashic titinquetuidpaccac caondash bēdi.

Ashumbic shēcten amē netuidpac caondash. Tiic.

Adashic nes puduedpac caondash.

Puduedashic piscudpac caondash.

Nē bēdi piscudshobien matsu tsitsadtsēcquidēn itsac cadenec, uebudtsēcshun, danēshēn tinquetsēcshun.

Adnubien mēcuesten: -Nē sicaid -quequin aton bēnē bēdi acmepac caondash.

Acashien dīn uētsēdec équē taē nebudcuempashquio uētsēdpac caondash bēdi.

Adnubien mēcuesten: -Bēdīn shēdnushe -queshun ēbi

tsadaid matsu dayunshun bëboed shëcten amë bishucondash,
quepac cadenec.

Adnubien bëdin shëdondash, quepac cadenec.

-Hmc hmc. Dobo nuadac bipeç -queshobien: -Mimbi bëboedi
nec. Shëcten amë nec -caondash, quepac cadenec.

Adashic diadec diadec quetanec padpidec: -Hmc hmc.
Dobomboen nuadec -queuashobien padpiden: -Mimbi bëboedi
neque. Në shëd. -caoondash, quepac cadenec. Pambid
dësanampen shëmepac cadenec.

Adashic diadec diadec quetanec padpidec: -Hmc hmc. Dobo
nuadec. En isnuqui -quetanquin matsu dapa bëcadondash,
quepac cadenec.

Ashobien: -Nuquin baba neque. Chën. Camunën chian
tishte ëbi nec, queboshe. Nuquin baba neque. Chën
-quiondash mëcueste, quepac cadenec. Adoaquien bëdi: -Con
babambobien nec, quenu. En con sicaid ac -caondashi, quepac
caondash. Asho isac sicaid mëcuesten chiësh nësamëdpamboec
iccondash quepac caondash.

Ashobimbi bëdin uquë isnubi mëcuesten chiësh
pidted-pidtedquin acondambi quepac caondash. Padnuen utsin
bëdin isnubi dacnëdquin chiëshi chebud-chebudquin acondash,
quepaccaondash.

Adnubien isaden icquin mëcuesten pambid
menedo-menedopac cadenec. -Në baba. Në, baba. Mibi
icsatsëcquio casenayoc, baba -quepac cadenec.

Adnubi inchëshpac caondash.

-¿Atotsi chiaid iso? -quequin chuimiaid

1. ¿Atotsi queboc padequi uintuidec quepac
cadenec?
2. ¿Mitsipadno matses ompopac cadenec mëcuesten?
3. ¿Mitsipadentsi puduedash tsasho bëdi ispac
cadenec matsesën?
4. ¿Mitsipadectsi bëdi diadpac cadenec?
5. ¿Mitsipanoshonbëdin bëaid bishucpac
cadenec?
6. ¿Atotsi quiampac cadenec bëdi?

7. Adec quedo-quedoshu ¿mitsipadentsi bēdi nac cadenec?
8. Matses bēdin istuisho ¿atotsi mēcuesten capac cadenec?
9. ¿Atotsi bēdin caondashi quepac cadenec?
10. ¿Mitsipadentsi bēdin equē isnuc sicaid acpampic?

Inchēshnubien di tsedopac caondash. Bēdi equē diadnuc equē tsedopac caondash. Tsedotanquin: -Nēidēn ush, baba -capac caondash mēcuesten, quequin chiondash. Adoac aidēn diadec ushpac caoundash.

Aidēn ushnubien bēdi ēnēdenquilo yec uētsēdto-uētsēdtopac caondash.

Ashobien mēcuesten ushenquiocquin : -Camunēn chian tishte ēbi nec, queboshe. Chēn. Nuquin baba neque -cado-cadopac caondash.

Adnubi badiadpac caondash.

Badiadnubi mēcueste puduampac caondash. -Nenu nid, baba. Nuquin baba netanu. Nuquin chede nidte pisenushe. Chipushuntac -qulampec puduanac caondash, bēdi adoanec.

Adanec choquin isquien bēdi podqued cuēman uepec. Dēniacbudpac.

Ashobien mēcuesten: -Nuquin baba neque. Chēn. Camunēn chian tishte ēbi nec, queboshe -capac caondash. Adobidanec nidpac caondash. Abi choec. Abi choec.

Abi choquin isquien nēbi ueoapac.

Ashobien: -Nuquin baba neque. Chēn. Camunēn chian tishte ēbi nec, queboshe. Nuquin chede nidte pisenushe. Chipushunec nid -capac caondash. Adobidanec padpidec nidpac caondash. Abi choec. Abi choec.

Abi choquin isquien ueoapac.

Ashobien padpiden: -Camunēn chian tishte ēbi nec, queboshe. Chēn. Nuquin baba caboshe. Nuquin chede nidte pisenque. Tsiduīnuaic nid. Nuquin baba netanu -queoapac

caondash mēcueste. Adcuidanec padpidec niduapac caondash.
Abi choec. Abi choec. Abi choec. Abi choec.

Nanobien ueded-uededposh, quepac caondash. Adcuidanec
abi choec. Abi choec. Abi choec. -Nidtuidequien bēdi yash.
Ma nanobi ueded-uededboq -quiondabi, quepac cadenec.
Adcuidanec abi choec. Abi choec. Abi choec. -Bēdi nibēdec.
Nidtuīdac -quepac caondash. Adcuidanec abi choec. Abi
choec. Abi choec.

Abi choquin isquien macuēsh dapa diadec.

Adnubien mēcueste: -Ēbi mamēshunenda, baba -quetampec
chiēsh piutan-piutantsec macuēsh detatotsac caondash.

Ashobien: -He he he he.

Mamēshunaquien: -Nesh nesh -quiampec buintad shēcuēn
puduedpac caondash.

Puduedshobien: -Chichi, cho -caquien: -Mimbi
mamēshumpoc. -Con nano nidnu, caboc padquido
mamēshumpesambi. Baded ēbi buanec nid, chichi. ¿Ēmbida
mibi nao? -caqui nadimbocpac cadenec. -Chichi, cho
-cataneuīshun bētīmpac caondash.

-¿Atotsi chiaid iso? -quequin chuīmiaid

1. ¿Mitsipadectsi inchēshēn icpac cadenec?
2. ¿Atotsi quianec puduampac cadenec?
3. Chosho ¿mitsipadopac cadenec bēdin?
4. Asho isun ¿atotsi capac cadenec mēcuesten?
5. ¿Abentsembid bēdin adopac cadenec?
6. Macuēsh dapa dectatoacnoshon ¿atotsi mēcuesten
capac cadenec?
7. Matsesēn abi niacbidansho tantiash ¿mitsimbo
nidpac cadenec?
8. Puduedacsho isun ¿mitsipadoac cadenec?

Bētīmbud-bētīmbudanec puduampac caondash. -Nēmboen
chouīdposh -quīanec puduampac caondash. Abi choec. Abi

choec. Abi choec. Abi choquin tantiaquien: -Todon todon todon -capec. Nadambocaic, cuète dèdac bimboen.

Asho isquien mapiumbocquidièn todonèn nadambocain cuète dèdec.

Ashobien: -Mibëshè matses uashun. Nadaequidon bènuaondac capucuenebique. Bunan unésebi. Mibi matses icpashun. Ebi ne, canu. Mibëshè matses uashun -capac caondash.

Adoquien: -Matsesibi neyoc -quepac caondash.
-¿Nadaequidonda mibi nanèdash? Quepauisumbien mibi nanèdash -quepac caondash todon.

Asho isquien moco ambi cuète dèdaid chiadbededtsècquiec bud-budpac cadenec.

Bud-budashic tabadec onquepac caondash todon. -Min tied cuinidquid cadu shana tinquidini nec -quepac caondash. Adpac caondash todon.

Asho tantiashumbien: -Anquio èbi buanec nid -caquien: -Ai, adoendambi -quepac cadenec todon.

Adashien: -Nèmbo nidta. Nèmbo nidebique. Nèmbo nidquin èmbi toshcasha tantiatuidia -quepac cadenec.

Adashien dectatoneoapac caondash abuc.

Adashien nidanepac caondash. Tu tu tu tu tu. Ambidi utsic. Ambidi utsic. Ambidi utsic. Ambidi utsic quepec nidaniac cadenec.

Adec nidanebombien: -Nèmboen nidposh -quetanec chopac caondash. Abi choec. Abi choec. Abi choec.

-Nèmboen nidposh. Nèmboen cho -queded-quededtsècquiec choquin tantiaquien: -Todon todon todon -capec. -Todon todon.

-Nèshunquio todon caic -quianec nidquin isquien cuète dapan didiquec.

Didleshobien: -Chobi, quequin uipas-uipascata -caboc padomboen uipas-uipascapac caondash. Pas pas pas. -Chobi -caquien: -¿Ada cho? -quepac caondash.

Ashobien: -Ai, chobi -quesho tantiashien: -Adequi chotac -quepac caondash. -Nèmbo nidebique. En is, ambo nidnun -quepac caondash.

Adashien nidaneoapac caondash.

Nidanebon -Nemboen nidposh -quianec puduanoapac caondash. Abi choec. Abi choec.

Abi choquin tantiaquien todon caoaic. Todon todon todon.

Todon caquidênquio choquin isquien didieoaic.

Ashobien: -Chobi -quequin uipas-uipascaoapac caondash.

Pas. pas pas.

-Chobi -caquien: -¿Ada cho? -queoapac caondash.

Ashobien: -Ai, chobi -quesho tantiashien: -Adequi chota -queoapac caondash. -Nembo nidta, nembo -queoapac caondash.

Adashien nidan-nidanoapac caondash.

-¿Atotsi chiaid iso? -quequin chuimiaid

1. Mécueste bêtimbêtsenec choquin ¿atotsitsen tantiatuidac cadenec?
2. Isquien ¿mitsipadobededpac cadenec?
3. Aldo ¿atotsi capac cadenec?
4. ¿Atontsin mibi nac quepac cadenec aidtsen?
5. ¿Mitsipadentsi budshun todonên chiac cadenec?
6. Ebi nec nid -cac ¿mitsipadentsi todonên bêac cadenec?

Todon nidanebon: -Nemboen nidaneposh -quetanec puduanoapac caondash matses. Abi choec. Abi choec. Abi choec.

-Nemboen choposh -queded-quededtsêcquiec choquin tantiaquien todon caoaic. Todon todon.

-Nêshunquio todon caic -quianec choquin isquien didieoaic abuc. Ashobien uipas-uipascaoapac caondash. Pas. pas.

-Chobi -caquien: -¿Ada cho? -queoapac caondash.

Ashobien: -Ai, chobi -quesho tantiashien: -Adequi chota -queoapac caondash. -Nembo nidta, nembo -queoapac caondash.

Adashien nidaneoapac caondash.

Nidanebon: -Nemboen nidnosh -quetanec puduanoapac
caondash. Abi choec. Abi choec. Abi choec.

Abi choquin tantiaquien todon caoapac. Todon casho
tantianec choquin istuidoapac cadenec.

Istuidtanquimbien: -Chobi -equin uipas-uipascaoapac
caondash.

Adoquien: -Adequi chotac -queoapac caondash.

Adtanequien nidan-nidanoapac caondash.
inchëshbudtséqui. Nidanebon nidboedénquoio puduanoapac
caondash. Abi choec. Abi choec. Abi choec. Abi choec. Abi
choec.

Abi choquin tantiaquien todon caoac. Todon
caquidénquoio nidquin istuidoapacaondash.

Ashun isquien podqued cuéman nidquidquiobi todon caic.
Ambi istenecnombo icpec.

Ashobien: -Chobi. Nembobi con tied icpec. Nembobi con
podqued cuenec. Nébi neste icondash, caputanec
nestuid-nestuidaid -quequin uipas-uipascaoapac cadenec.

Adoquien: -Chiata. Budbono -quepac cadenec todon.

Adtanequien bud-budpac caondash. Bud-budacsho isac moco
sanambededtsécquiec icpac caondash. -Todonén ébi béosh,
quenda. Min utsibo chienda. Min chido chienda. Papa
chienda. Min mado caic: Todon setan, cainda -quepac
caondash.

Adtanequic: -Mibi puduedsho cuédénenu. Puduedec nid.

-Adec chotiapiquidi mibimbi béoque. Nid -quesho
tantiashien: -Ai, cuishoncamianquiec mibi icoque. Mibi
cuishoncamianquieque. Ébi yacno nidnu -cac: -Ai, nidtac
-quiampac cadenec. Adtanec dectatoneoapac caondash.

Adashien bëyuc nidanepac caondash, dèniacbudec.

Adnubien matses tsiyuec maniedén cho-chopac caondash.
Abi choec. Abi choec. Abi choec.

Abi choequi tied dècuempac caondash.

Adnubien todon cuédénempac caondash.

Tsiududus-tsiududus natia cuédènpac caondash.

Adnubien puduedpac caondash.

Adnubien: -éndenquimbo bènudoshaid choec -quecuededpac

caondash. Podobitsin bēnuac adec choac cadenec, quequin chiondash.

Choashic bacuēbon cobichishchish setsambi shubipac caondash, -Ēbi bēboed siac -quiash utsibi setsambi.

Podobitsin bēnuac capuquin isun chuipac caondash, quequin enquin chiombi. Padi.

-¿Atotsi chiaid iso? -quequin chuimiaid

1. Matses choquin isquien ¿atotsi icoapac cadenec?
 2. ¿Mitsipaden todonēn buanoapac cadenec?
 3. ¿Atotsi queded-quededtsēcquiec matses chopac cadenec?
 4. ¿Atotsi isun: -Ēmbi istenecnombo icpec -quequin tantiactampac cadenec?
 5. ¿Atotsi ēbi quenda capac cadenec todonēn?
 6. ¿Mitsipaden puduedsho todonēn matses isac cadenec?
 7. Choash ¿atotsi siaid isash shubipac cadenec?
 8. ¿Atotsi caic: -Ēbi naondaaid nec -quepac cadenec?
-

Bēdin chido chocoyo icpac cadened

Bēdin chido chocoyo icpac cadenec. Mēcuestebi auin utsi. Nēidic piush. Nēidic tambis. Aidedi icpac cadenec. Aidedi bēdin chido impac cadenec quequin chuinu.

Aidedi bēdin impac cadenec. Bēnē capuec nidpac cadenec. -Shēcten amē actanu -quianec capuec nidac cadenec.

Bēdi capuec nidbon chocoyo aton dauidbēd onquiampac cadenec. -Mēcmianquien pianiosh. Pictscēquio peded-pededtsfcombi. ¿Tentsi mimbi pio? ¿Ada bēchi chio? -quepac cadenec chocoyo.

Adnubien mēcueste: -Padambo. Chiambo, icombi. Adembi mēcmianioshi -quepac cadenec.

Tambisic: -Ēbibic adembidi -quepac cadenec. -¿Ada bēchi chio? -quecuededpac cadenec.

Adec onquecaededashien: -Nianec cuenuna. Cuēte unēs uaindambi -quiampac cadenec chocoyo.

Adtaniashien: -Nidendabi. Mēcmianioshibique. Cuēte unēs uaindambi. Abimbo caindambi. Embi cuēte unēs uaindambi -quepac cadenec chocoyo.

Ashumbien cuēte unēs uapac caondash. Choo. Cuēte dēchiuimpac cadenec. cuēte isquidicquid abentsēqui icnuc.

Ashun: -Baded cuentan -caquien tambisba cuempac cadenec. Ashumbic piush caic: -Cuentan -cac nidtsac cadenec.

Adnubien chocoyo ancuenquio tsadtsac cadenec, piush chosho isnuec.

Adnubien bēdi caputanec choec uintuidpac cadenec.

Adnubien tsacas. Nēuēshquio tsacasquetuidtsac cadenec. Ashun isquien: -Cuentan -capaboedquio choapec.

Ashobien: -Cuentan, caboquien choapec. Baded cuentan. Choshon penoshe. Cuēte dēcchoshombique -capac cadenec, piush caic, chocoyon. Adoac piush aurbidi nidoatsac cadenec.

Adnubien ēdibictscēcuēshi: -ii ii ii ii -quepac cadenec bēdi.

Adnubien mēcuestetsen cuempac cadenec, chocoyuidtsēqui icnuc.

Ashun isquien piush choaic.

Ashobien: -Cuantan, caboquien choded-chodedpec.
 Nēmbobi chota, ¿quectabi ico? Baded cuentan, enapen -capac
 cadenec. Adoac aubidi nidoatsac cadenec. -¿Nēmboda cai?
 -cac: -Uuu nidtan. Macuēsh naquiad-naquiadtsēcquieci nidtan
 -quepac cadenec chocoyo.

Adnubien nēuēshic II II II II II.

Nēuēshic uimboshien tashquecumpac cadenec.

Adnubien chocoyo cuēte utsi bēcchobanash isquidicquid
 mataniadash cuēte cuidin tsadpac cadenec.

Tsadnubien bēdi chonombo piush choapac cadenec.

Ashobien bēdin: -¿Mitsi cuēte? Baded na. Ebi
 piastocuēci -queuidtanquin camospac caondash.

Aid camostanequien: -Baded cuēte bec cho. Bēchi chenu.
 Baded codocaic cho -quepac cadenec, chocoyo caic.

Adoaquien: -Mimbi con shoē camosboc. Mibi bēchi
 chemianequio icboc -chocoyo quepac cadenec.

Adoaquien: -¿Abētabienda mos-moscachitotiad?
 -quetampec pudumpac cadenec.

Adnubien chocoyo acte nēctashquetanquidēn cuesten
 tsadtoec cuempac cadenec.

Adnubien ambobi bēdi acte tsiquiadbudantsac cadenec.

Asho istanequien aubidi choaic anobidi tsadtoapac
 cadenec chocoyo.

Adnubien aubidi bēdi choatsac cadenec. Aubidi
 choatsec: -Baded cuēte bec cho -quetsac cadenec.

Adnubien: -Ma mibi bēchi cudasboc -chocoyo quetanec
 aubidi cuenquin cuēte abi mataniadtsaid nēnebidantsec
 tsadtopac cadenec, abi tsadboedēmbidi.

Adnubien bēdin cuēte nēnetsēcboed beshun unēstsaiddi
 bush-bushcauidtsac cadenec.

Cuēte bēcchobidanec chocoyo cuembon bēdin ushē mēduqui
 pambid sanshumbi pepac cadenec.

Aden peshumbic bēdin ucbud-ucbudpac cadenec.

Aden ucbud-uchudtanquimbi padpiden peuapac cadenec.

Adoshombic padpiden ucbud-ucbudpac cadenec.

Adembi pequi achuēshquiobi pequid yampac cadenec bēdi.

Aton chidobon niequin cuēte bēcchoshonac aden bēdin pebenpac
 cadenec quequin enquin chiombi.

-¿Atotsi chiaid iso? -quequin chuimíaid

1. ¿Tedtsi bēdin chido icpac cadenec?
 2. Bēdi capuec nidbon ¿atotsi quiash bēdin chido chieshtoash: -Niquenuna -quiampac cadenec?
 3. Cuēte bēcchoquin ¿abitedimboda chocoyon bēcchopanēdash?
 4. -Cuantan -cac ¿tsutsi choded-chodedpac cadenec?
 5. ¿Mitsipadec bēnē chopac cadenec?
 6. ¿Atotsi buantsec chocoyo cuēte cuidin tsadtopac cadenec?
 7. ¿Mitsipaden aid buantsac cadenec?
 8. Choquin ¿tsutsi istuidpac cadenec bēdin?
 9. Istuidtanquin ¿atotsi bēdin napac cadenec?
 10. ¿Tsutsi: -Mimbi con shoë camosboc -quepac cadenec?
 11. Adotanec ¿mitsimbo chocoyo nidtsac cadenec?
 12. Bēcchoaidi beshun ¿mitsipaden bēdin nauidtsac cadenec?
 13. Aden nauidshun ¿mitsipaden pebenac cadenec?
-

Matses abucquidec cuèdènaid

Matses macunèn cuèdènec abucquid yampac cadenec, quequin chuinu.

Matses abucquidec cuèdèncuededpac cadenec. Achuquid nadpec cuèdèmpac caondash. -Ayash shubu mabudadquin cachutsipactsitanu yoc -quepec cuèdèncuededac cadenec achuec. Tsitonquiaid chiec ishcudaid chiec quec cuèdèmpac cadenec.

Padnubic: -Chèshèidnu -quequic nadpec cuèdèncuededac caondash. -Butun cuidin papasquequin cachu tsipactsitanu -quepac caondash.

Padnuc poishtobic adecbidi: -Butun cuidin papasquequin cachu tsipactsitanu -quepac caondash.

Padnubic: -Bèshuidquidnu -quequic: -Butun cuidin papasquequin cachu tsipactsitanu quish. -Ayash shubu mabudadnu -quequi cachu tsipactsitanu quish -quepac caondash.

Adashic achu padpidec onquec. -Min nunti èbi mene. Èbiquien tèusudnu yoc. Tote bacuè dapa manidtsimèdnu. Nonti dapa chebudnu. Min chimu tauì èbi mene. Èbiquien tsinitsimèdnu yoc. Min piute èbi mene. Èbiquien danosh-danoshquenu yoc -quepac caondash achu. cuèdènec.

Chèshèidic: -Min chèshète èbi mene. Èbiquien nesnu. Piute tèshè èbi mene. Èbiquien dènosshquenu. Min shauì èbi mene. Tsinitsimèdnu -quepac caondash.

Poishtobic: -Min piute tèshè èbi mene. Èbiquien danoshquenu. Min shauì bushcu èbi mene. Èbiquien tsinitsimèdnu -quepac caondash.

Padnubic bèchumbic: -Min cuètè mèdiad èbi mene. Èbiquien manitsimèdnu bioc. Min chiun èbi mene. Èbiquien pantasadnu. Panshèshadnu. Min chèshète èbi mene. Èbiquien canosh-canoshquenu bioc -quepac caondash.

Padnubic shuintebic: -Min shuinte mapi èbi mene. Èbiquien manitsimèdnu uèsh. Min chiun èbi mene. Èbiquien mènitsimèdnu uèsh. Min di chinaid èbi mene. Èbiquien datonquebudnu uèsh -quepac caondash.

Padnubic sipibic: -Min made uisac èbi mene. Èbiquien tsinitsimèdnu sic. Min chèshète èbi mene. Èbiquien

danushquenu sic. Min piacbo dēntsaid ēbi mene. Ēbitsen
ēcnoshquenu sic -quepac caondash.

Padnuc uadēbic: -Min piacbo dēnaid ēbi mene. Ēbiquien
mēsenu soc. Ēbiquien dasenu soc. Min piacbo dēnaid ēbi mene.
Ēbiquien imucudnu soc -quepac caondash.

Padnuc bēshuidquidic: -Min piacbo dēntsaid ēbi mene.
Ēbiquien mēmucudnu quish. Min nēshaid ēbi mene. Ēbiquien
datonquenu quish -quepac caondash.

Tsancabic: -Min piacbo dēntsaid ēbi mene. Ēbiquien
mēmucudnu -quepac caondash. Chēshēte ēbi mene. Ēbiquien
ēcnoshquenu -quepac caondash.

Bēchun ushubic: -Min uashmēn ēbi mene. Ēbiquien
datonquenu -quepac caondash. Sedquid caic uashmēn quepac
cadenec.

-¿Atotsi chiaid iso? -quequin chuimiaid

1. ¿Mitsipadquiec taēpac cadenec?
2. Achunuec ¿mitsipadec cuēdēmpac cadenec?
3. ¿Ma chēshēidnuec?
4. ¿Atotsi icquid adecbidi cuēdēmpac cadenec?
5. ¿Ma utsi?
6. ¿Mitsipadectsi achu padpidec cuēdēmpac cadenec?
7. ¿Atotsi beccho quepac cadenec chēshēid?
8. ¿Mac poishto?
9. ¿Mac bēchun?
10. ¿Mac shuinte?

Adpec cuēdētaniashien chēshēidba chēshēten nespac
caondash, chēshēmbō yec.

Adashic piuten dēnosh-dēnoshquepac caondash.

Adashic shauī tsinitsimēdpac caondash.

Adtanequien niquiampac caondash.

Abuc cuēten niedotanequien cuēdēndocuededpac caondash.
Chesh chesh chesh. Eeeeeee.

Nadtia cuēdētanequien bud-budoapac caondash.

Bud-budash cho-choequien: -¿Ada dobo shonadtiadpabi yash? -quepac caondash.

Ashobien: -Ai, dobo shonadtiadi yash. Èbien chëshèidnu, queuidoc -quepac caondash utsi.

Adashic poishtoquidtsen piuten danosh-danoshquepac caondash.

Adashic shau bushcu meniaid tsinitsimèdpac caondash.

Adtanequien aidtsen niquianoapac caondash. Abuc niedoash bacuè sidquian-sidquiantsecquiec nadetanec bud-budoapac caondash. Bud-budash cho-choapac caondash.

Cho-choashien: -¿Ada dobo shonadtiadpabi yash? -quepac caondash.

Asho tantiashien: -Ai, dobo shonadtiadi yash. Èbien poishtono, queuidoc -quepac caondash utsibi.

Adashic achutsen piuten danosh-danoshquepac caondash.

Adashic nunti tèsudpac caondash.

Adashic chimu tau tsinitsimèdpac caondash.

Adtanequien niquianoapac caondash. Abuc niedoash nattia yoquepac caondash. Nattia yoquiash bud-budoapac caondash. Adash cho-choapac caondash.

Adashien: -¿Ada dobo shonadtiad yash? -quepac caondash.

Asho tantiashien: -Ai dooshon nadtiadi yash -quepac caondash. -Èbien achunu, queuidoc -quepac caondash utsibi.

¿Ada iso? Nunti tèsudnèdaid tèon icosh. Piuten nocoshquiampidic piu-piupatsèc isadec. Chimu tau tsinitsimèdac cadenec quequin nèbi yoquesho: -Ènèdmenquiocno -quequin: -Chimu tauin tsipun-tsipun -capec.

Bèchumbic cuète mèdiad manitsimèdpac cadenec. ¿Ada iso? Cuète mèdiad bimboec aton mapi isadec.

Adashic chiunèn pantasadpac caondash. Chëshèten inosh-inoshquec chëshèten canosh-canoshquec piuten ècnosh-ècnoshquec quepac caondash.

Adanequien niedoatsash cuèdèncuedettanec bud-budoash cho-choapac caondash.

Adashien: -¿Ada dobo shonadtiadpabi yash? -quepac caondash.

Ashobien: -Ai, dobo shonadtiadi yash. Èbien bèchunu, queuidoc -quepac caondash utsi.

Shuintebic aton mapi caboedi manitsimédpac caondash. ¿Ada iso? Aid manitsimédnèdaidi mapi tsasimbo icosh. Mèntsis chiun mènitsimédnèdaidi chiun bimboec isadec. Di chinaid datonquebudac cadenedi shuinte nua manèdaid yacpaboc. Adash aidtsen abuc niedoapac caondash, uèuëshquetsécquiec. Uèuëshquetsécquiec niedoash tabadcuededtanec bud-budoapac caondash.

Adashic cho-choapac caondash.

Adashien: -¿Ada dobo shonadtiad yash? -quepac caondash. -Ai, dobo shonadtiadi yash. Èbien shuintenu, queuidoc -quepac caondash utsi.

-¿Atotsi chiaid iso? -quequin chuimiaid

1. ¿Atontsin chèshèid nespac caondash?
2. ¿Atotsi caic ada adtiadpabi yash quepac cadenec?
3. ¿Atontsin poishtoquid danoshquepac cadenec?
4. ¿Atotsi achu tèosudpac cadenec?
5. ¿Atotsi qeshun chimu tauin tsipun-tsipun capec nèbi?
6. ¿Atotsi bimboec bèchunèn mapi isadec?
7. ¿Atotsi shuinte datonquebudpac cadenec?
8. ¿Mitsipadquio shuinte mapi iquec?
9. ¿Mitsipadtsécquiec shuinte niedopac cadenec?
10. ¿Atotsi queuidoc quepac cadenec utsibo?

Sipibic chèshèten nesec made uisac tsinitsimèdec quepac caondash. ¿Ada iso? Chèshèten nesampidi chèshèmbo isadtsec. Made uisac tsinitsimédnèdaidi incuente pistsec isadtsec.

Adashien aidtsen abuc niedoapac caondash.

Adashien si-sicquetsécquiec nadetanec bud-budoapac caondash.

Bud-budash choequien: -¿Ada dobo shonadtiad yash? -quepac caondash.

Asho tantiashien: -Ai, dobo shonadtiadi yash. Èbien sipinu, queuidoc -quepac caondash utsi.

Uadëquidic piacbo dëntsaid bëdiactsëc dase-dasequetsec mëse-mësequetsac caondash. ¿Ada iso? Bëdiactsëc tanun-tanunpactsëc isadtsec. Mëdanteno adbidi isadtsec.

Adashien aidtsen abuc niedoapac caondash. Abuc niedoash nademboquetanec bud-budoapac caondash.

Bud-budoash cho-choequien: -¿Ada dobo shonattiadi yash? -quepac caondash.

Asho tantiashien: -Ai, dobo shonattiadi yash. Èbien nadënu, queuidoc -quepac caondash utsi.

Bëshuidquidic nëshaid datonquepac caondash.

Adtanequic piacbo dënaid dase-dasequetsec mëse-mësequetsec bëmauctedi bëse-bësequetsec quepac caondash. ¿Ada iso? Nëshaid datonquiampidi aton bu nëshaid bimboec isadec. Adecbidi tanun-tanunpactsëc isadec. Adecbidi mëtanun-mëtanunpactsëc ictsec. Adecbidi bëtanun-bëtanunpactsëc ictsec.

Adashien aidtsen abuc nidoapac caondash. Abuc niedoash nademboquetanec bud-budoapac caondash.

Bud-budoash cho-choequien: -¿Ada dobo shonattiadi yash? -quepac caondash.

Asho tantiashien: -Ai, dobo shonattiadi yash. Èbien bëshuiquidnu, queuidoc -quepac caondash utsi.

Tsancabic piacbo dëntsaid mëse-mësequetsec chëshëten ëcnosh-ëcnoshquetsec quepac caondash. ¿Ada iso? Mëush-mëushpactsëc ictsec. Ècchësh-ècchëshpactsëc ictsec.

Adashien aidtsen abuc niedoapac caondash.

Abuc niedoash nadetanequien bud-budoapac caondash.

Bud-budoash cho-choequien: -¿Ada dobo shonattiadpabi yash? -quepac caondash.

Adoquien: -Ai, dobo shonattiadpabi yash. Èbien tsancanu, queuidoc -quepac caondash utsi.

Bëchun ushubic sedquid pëshushaid datonquepac caondash. ¿Ada iso? Sedquid datonquiampidi ushumbo iquec.

Adashien aidtsen abuc niedoapac caondash. Abuc niedotsash nademboquec cuëdë nec nadetanec bud-budoash cho-choapac caondash.

Cho-choequien: -¿Ada dobo shonattiadi yash? -quepac caondash.

Asho tantiashien: -Ai, dobo shonadiadi yash. E bien
bèchun ushunu, queuidoc -quepac caondash utsi.

Adashien abitedimbo nidaniac cadenec. Shubu dapan
matses daèdpen ichoedi shubu shècuididpambo yec nidaniac
cadenec. Èquè poishtouidquio nidaniac cadenec. Èquèbic
chèshèiduidquio. Èquèbic Achuidquio. Èquèbic bèchunuidquio.
Èquèbic shuinteuidquio. Èquèbic sipiuidquio. Èquèquic
uadèuidquio. Èquèbic bèshuidquiduidquio. Èquèbic
tsancauidquio. Èquèbic bèchun ushuidquio quec abi maisi
nidaniac cadenec. Matses abucquid yampac cadenec, quequin
chiaid ènquin chiombi.

-¿Atotsi chiaid iso? -quequin chuimiald

1. ¿Atontsin sipi nespac cadenec?
 2. ¿Atotsi sipi tsinitsimèdpac cadenec?
 3. ¿Atotsi uadèquid mèse-mésequepac cadenec?
 4. ¿Atotsi datonquiac bimboec bèshuidquid
isadpec?
 5. ¿Atotsi mèsequiac bimboec tsanca isadpec?
 6. ¿Atotsi datonquiac bimboec bèchun ushu
isadpec?
 7. Abitedishun tanash ¿mitsipadpac caondash?
 8. ¿Ambouidida nidaniac caondash?
 9. ¿Mitsipadquio shubu yec nidpac cadenec?
-

Opashê bedaid

Capuec nidpac cadenec, capuec. Abi nidequien. Abi nidequien. Abi nidequien uc.

Abi nidequien chian dêbiate budpac cadenec, chian dêbiate.

A bushun isquien opashên taëmpi nademboetsac.

Asho isashien: -¿Atotsi nepac? -cac: -Tsaudi. ¿Atoda niaye? Isnuna -quetanquin taë anisbampac cadenec. Abi isbanquin. Abi isbanquin.

Abi isbanquin isquien mentsis opampi bédamboetsécquid shayaetsec. Mamëntsec.

Asho aiduidtséqui istanequi padpidec choac cadenec, aton shubuno.

Ashumbien utsibo chuituidpac caondash. -Atodampi nadtia shayaquiosh chian dêbiaten. Bédamboetsécquid niosh -quiac cadenec.

Asho tantiashien: -¿Abida cai? -quecuededac cadenec.

Adcuededashien padpidec: -Isquiotambono -quianac cadenec.

Adanequien padpidec nidaneoac cadenec.

-Isquiotambono -quianec padpidec nishun isquien adecbidi shayaquetsec. Mamëntsec.

Asho isash: -Di chinshumbien sanguin istiad. Ma mamēnec tacashnadtsecnu. -quetanquimbien di chimpac cadenec.

Di chinshumbien sampac cadenec.

Adoshombi caimpac cadenec.

Uano tabadquin cainaquien opashēmpi aniamboetsécquid daéd mamēntsac cadenec. Di chinshun sanaidēn mamēntsac cadenec.

Adnubien dīn mamēnec cuididiquec dīn tacashnadpac cadenec. -Aa a a a -quiampac cadenec: -aa aa aa.

Ashobien: -Bednunid -quequin pudunchoquin bedpac cadenec.

Icbobic tan-tanec chianēnuēsh buduanec acte amē poshquec nidan-nidanec tan-tampac cadenec.

Icbo tan-tanubi di chinaidēn tacashnadmeshun bedac cadenec. Chidompibēdtabi bēnēmpi bedac cadenec.

Asho isashien icbo cueshquedopac cadenec. -¿Con
mèntsisémpida mimbi bedé? -quepac cadenec.

Asho tantiashumbien: -Ai, opa nibèsho bedombi -caquien:
-Chuinu. Tantiata -quiac cadenec, anobi chian nēnantanquio
cueshquedoec.

-¿Atotsi chiaid iso? -quequin chuimiaid

1. ¿Atotsiba istuidpac cadenec, opashè bednuen?
2. Istuidash ¿mitsimbo chopac cadenec?
3. ¿Nuntanoesh atotsi quetuidpac cadenec?
4. Chuisho tantiash ¿atotsi quepac cadenec utsibo?
5. Adcuededash ¿mitsipadoquietanu quepac cadenec?
6. Nidquin ¿atotsi quesho istuidoapac cadenec?
7. ¿Mitsipaden opashè bednuen napac cadenec?
8. ¿Opashè mamēnte yacnombobi tabadquinda caimpac cadenec?
9. ¿Mitsipadpac cadenec opashè, din mamēnec?
10. Aton opashè beshunac ¿mitsipadtanec icbo
onquiampac cadenec?

Chian nēnantanquio cueshquedoec: -Chuinu. Tantiatac.
Shēcten éate yendac -quepac cadenec icbo.

-Tambisi ecate yendac -quepac cadenec.

-Nēishamēbi é cate yendac. Mēcuestebi ēē cate yendac
-quepac cadenec.

-Adoshombic bēchinten bēchinta -quiac cadenec. Shēcten
bēchinten bēchinte yendac -quepac cadenec.

-Adoshombic made bēcchēten bēchinte yendac
-quepac cadenec.

-Adoshombic nēishamē bēcchēten bēchinte yendac
-quepac cadenec. Adoshon anchinte yendac. Adoac
uidēnquiocquid yendac -quepac cadenec.

-Adoshombi naden shēcten tsibantac. Eē ēē ēē ēē cain
tsibantac -quepac cadenec. -Adoac shēcten puduedquid yendac
-quenac caondash. -Puduedacsho ayash tēnēshte uashon
tēnēsquid yendac -quepac caondash.

-Padnubic tambisic he he cain tsibanquid yendac, acte paëdmennuen -quepac caondash.

-Paëdacshobic tsicateshun cainac choenquiocsho: Cuidtsipanën tsadtoashien nec, queshun utsin mishac unquianquid yendac -quepac caondash. -Unquianash chotsëcsho sequid -quepac caondash opa icbo.

Padnuc -Nëishamëbic è è cain tsibanquid yendac -quepac caondash. Adoac ènapen tsibanac acte paëdacshobic cudan sequid yendac. Adoac mëmunenquio yec acte nëuebudec unësquid yendac -quepac caondash.

-Padnuc mëcuestebic è è cain tsibanquid yendac -quepac caondash. Adoac puduedquid yendac. Puduedacshobic tènëshquid -quepac caondash. Aden chuiban-chuibampac caondash.

Adoaquien -Ai -quiac caondash.

Adashien: -Aidi yuanun bed. Bedshumbic con opa shëcten pemenda. Shëctenën mëntsis pequid ye -quepac cadenec icbo.

Adoaquien: -Ai, adoembi. Yuanun nëidi buanembi -quianec choac cadenec.

Choshombien: -Opashë bedombi -catuidac isquien bëdapambo icpec. Bëdambo tsadec. Adash cuishonquecuededac cadenec nuntanoësh. -Icsambo dampombi. Bëdambo icosh -quepac cadenec. Ai, aiddtedtsëqui chiondash aden.

-¿Atotsi chiaid iso? -quequin chuimiaid

1. Aton opashë bedacsho isash ¿atotsi quiampac cadenec icbo?
2. Opan tsibansho nate tedi ¿mitsipaden chuibampac cadenec?
3. ¿Bëcchinshun mitsipadentsen uidënquio icmennuen naquid opa quepac cadenec icbo?
4. ¿Mitsipadentsi shëcten tsibantac quepac cadenec?
5. ¿Atotsi canuen tambis equid quequin chuipac cadenec?
6. Nëishamë è cain tsibanshun ¿atontsin sequid quepac cadenec?
7. ¿Mitsipaden mëcueste tsibanquid quepac caondash?
8. Puduedacsho¿mitsipadoquid quepac cadenec?
9. Aiddted chiash ¿atotsi quiac cadenec icbo?

10. Opashē buanshun ismiac nuntanshun zatōtsi
dancuededuidpac cadenec?

Uampamēsēn tsitepac cadened

Uampamēsēn tsitepac cadened chuīnu. Con matses ēnden mēdimbo uampamēsēn tsitepac cadenec. Poishto chedo daēdpen chushi uashun nēsiabud- nēsiabudquin cuēdēnēnquin uampamēs dapa noadtomeshun potian-potiampac cadenec. Uampamēs dapa actiamē nuacquid dapa uquē cuēma daēd sebudcuempamboec noadtoaidēn potianepac cadenec.

Aden ambi potian-potianaīd tantiaquin daēdpen chushiuapac cadenec, poishto chedo, shēcten chedo.

Adoshombic cuēdēnēmpac cadenec.

-Ēē ee ēē ee ēē ee -quequimbien chushi uaid nēsiapac cadenec.

Adoaquien cacho isadpamboec uequin nēsecaīd pec noadtoapac cadenec.

Chushi uaid penubien titinquian-titinquianquin acte pote-poteoapac cadenec. Ashumbic utsin. Ashumbic utsin. Ashumbic utsin. Adenuīdi potēpac cadenec.

Aden pote-poteash naimēdnubi padpidimboec nēuebudac cadenec ambi pemiaīdi.

Adoshombic: -Padpiden potiacnu -quequin padpiden chushi uapac cadenec.

Daēdpen chushi uatanec acte amē yacno choapac cadenec.

Adoshombic padpiden cuēdēnēnquimbi padpiden nēsiabud-nēsiabudpac cadenec.

Adoaquien chushi uaid pec noadtoapac cadenec.

Adnubien: -Baded nidnunid. Mentoadnushe -quequin baded-badedquien cachon pote-poteoapac cadenec.

Adnubien chido nidaidēn piscudquid icpac cadenec.

Aidēn bēnēn: -Tsiyuec potiacnuna -caqui niacbidanquin bēnē nianquin ambia potēpac cadenec. Abia chido tedbīdi ēquēbicnubi tedbīdi uquē iquec.

Adnubien uampamēs nidaidēn piscudquid shēdash abi nēuebudanidequi nēuebudpac cadenec.

Nēuebudbocsho cuēdēnēnquin padpiden chushiuaid nēsiabud-nēsiabudāqui noadtoenquioipac cadenec. Equēdocshon pepashien nepac cadenec, chieshquioquin.

Ashumbic padpiden chushiuaid nēsecain cuēdēnēnāqui noadtoenquioipac cadenec.

Asho isashien ëquë nianaido: -Auc chido nidoshe.
Aucshumbi chido intac -quepac cadenec.

Adashic: -Nuqui actenedimbi chimupa mapi aquendac
-quepac cadenec.

Ashumbic nunte uëdëshcashun: -Potenu -caquien nunte
casësted-casëstedpac cadenec.

Ashumbic dëbiatemi tandoshon nunte uëdëshcashun:
-Potenu -caqui adembidi casësanepac cadenec.

Ashumbic dëbiatemimbo tandoshon nunte uëdëshcashun:
-Potenu -caquien adembidi nunte casëstenepac cadenec.

Adashien uquëbi quenempac cadenec, matses utsi. Èquëbi
utsibo quenenac cadenec. Potiadenquio yac cadenec.
Uampamësën tsitiampid ënquin chlombi.

-¿Atotsi chiaid iso? -quequin chulmiaid

1. ¿Mitsipadentsi mëdimbon acte dapa
potian-potiampac cadenec?
2. ¿Atotsi cuëma sebudcuenubi potianepac
cadenec?
3. Ambi potianiaid tantiaquin ¿atotsi napac
cadenec matsesën?
4. ¿Mitsipadoec cuëdëmpac cadenec?
5. Uampamësën ¿mitsipadonobi potianepac
cadenec?
6. ¿Atotsi qulash nëuebudanidequi nëuebudpac
cadenec uampamës dapa?
7. Padpiden noadtomenu -cac ¿ada noadtoapac
cadenec?
8. ¿Atotsi caic: -Umbi nëocshombi nanu.
Aocshombic natac -quepac cadenec?
9. ¿Mitsipaden potiactuen tanuidpac cadenec?
¿Ashunquiouidtsëquida potianuen tanuidpac
cadenec?
10. Adoac ¿mitsipadoanepac cadenec uampamësën?
Potiadenquiocnoc ¿mitsipadpac cadenec matses?

Camombo istuidaïd

Adash yuectaniashic êndenquimbo uampamêsên
cuêshêdmïampidi con matses tsusedpabo yac cadenec.

Ashumbic mêdimbon dêmuch dêtabêdquidên con pan matsesên
camombo istuidpac cadenec, bushcanuëmbi.

Isquien ancuenquo camombon cuête toshcaic.

Nadambocain cuête dêdnubien shêcten uênêsuataneç
chopac cadenec camombo utsi.

Choquin isquien tabadpec.

Tabasho isashien camombo: -¿Tsutsimbo nepeba? -quec
uêcquiash nidquin isec padembo nidpac cadenec, shêcten diac
chobi.

Padec nidquin êquêbimbo bidiasho isaquien dêmuch
dêtabêdpamboen icpaic, dadabi. -Addtionquiobimbi bedquid ye.
Acquin tanu. Baded sedunte bedtan -quepec tabasho cachocshon
istuidpac cadenec.

Aden cachocshon istuidaquien naden bidiadquin istaneç
niepac cadenec.

Ashobien nadancampac cadenec. Ambobi shêcten
tênepadtaneç titinquequin nadancanuidpac cadenec. Asho
niampac cadenec. Taê nibêdtsêcquid caidên taê bêdambocquin
actiadquidi napampic.

Aïd niametanquimbic: -Enain utsi choudposh -quetanquin
icsano cuesten se-siactaniaquien icsanoêsh
pudumpac caondash.

Pudunshobien nadancanuapac caondash.

Nadancanshun abi uidênuashobien bedtanquin
nepac cadenec.

Abi adoshobien abêdi pudunquin bedpac cadenec,
cuêtebêta daêduain.

Aden bedashien: -Êmbi dada bedoc, bocuedpa. Hê he hê he
-quiampac cadenec.

-Êmbi dada bedoc, bocuedpa. Hê he hê he -caquien
niechoquin beshun buampac cadenec. Nadambocain chidobon oc

cabededpac cadenec, demosh usunsho. Caniabo caic bocuedpa quepac cadenec.

Adnubien utsi: -Padquid chutu. Bèdaen istiapi ye. Shacauata. Shacauac cuensho setsiambi -quepac caondash.

-Shacauac cuensho setsiambi. Shacaua -queshobien: -Min matses acquidi mimbi aquen icteneque. Chèn -capac caondash.

-Con madon bedaye. Isbono. Chèn -quepac caondash.

Adoquien abitedi padenquo yac caondash.

-¿Atotsi chiaid iso? -quequin chuimlaid

1. ¿Tsuntsin camombo istuidpac cadenec?
2. ¿Mitsipadosho istuidpac cadenec?
3. Isec tabasho ¿tsuntsin istuidpac cadenec?
4. ¿Mitsipadpambo icpac cadenec, padec nidquin isac?
5. Istuidac ¿mitsipaden istanec niepac cadenec?
6. ¿Mitsipadtanec titinquequin nadancanuidpac cadenec?
7. ¿Mitsi icquidèn niampac cadenec?
8. Aid niameshun ¿mitsipaden utsi bedpac cadenec?
9. Bedash ¿atotsi quiampac cadenec?
10. Shubuno bèacsho ¿mitsipadobededpac cadenec chidobon?
11. -Senu-quesho ¿atotsi quepac cadenec bedquidèn papa.

Adoshombic abi cuémèdaid chuimepac cadenec.

-¿Tsutsi ne? ¿Tsutsi ne? -caquien: -Ma mibi -quepac caondash, ambia chienquo yec. -Ma mibi ¿tsutsi ne? Mimbiabimben chui -capac caondash demushbon.

Asho tantiashumbien: -Pada. Mimbiabimben chui -caquien: -Binin nebi -quepac cadenec demushbo.

Ashobien: -Aidibi nec -quepac cadenec bedquid. Padnuen: -¿Tsutsi cuémèdosh? -cac: -¿Èbibida cuémèdobi? -quepac cadenec demoshbo.

Ashobien bedquidèn papan: -MM Con mado mibi nec. Ebi aquenda. Nènèn bushcanush nendac- -quepac cadenec.

Adoaquien: -Pada. Isnuequini nioc. Uampamēsēn tsitiac cadenedini nec. Equē min matses yac cadenec. Uquēen uampamēsēn tsitiac cadened con matses -cac: -Ai, aidibi nec. Adembi chuidenec. Aidibi nec. Con mosuc mibi nec -quiac caondash camombo.

Adashien arē: -Con na chumiamiaš icnushe. Shicbatauanu. Mani sin chocueshcaid bec cho -quepac cadenec. Ashun mani sin chocueshcaid acmedo-acmedopac cadenec. -Nēnē pemauanu -quequin adopac cadenec.

Ashumbien: -Mibi netanun nanuna -capac cadenec.

Adoboqui inchēshēn cuenuidpac cadenec dēmōshbo.

Asho istanequien podquedēn-podquedēnquiec niqianquin beduapac cadenec. Adotanec ushtoapac cadenec.

Badiadnubien: -Mibi nenunid -capac cadenec.

Adoaquien nidpac cadenec.

-¿Midauēsh mibi cho? Min shubuno isnonid -caquien: -Nēuēsh -quepac cadenec, equē mēdec.

Ashobien: -Pada. Nēen mibi cuenadtanac. Nēen nidtiad, cuembo -capac cadenec.

Adoaquien ambo nidpac cadenec. Ambo nidquin ambi cuēte chuda anusunaid aton sedunte bedpac cadenec.

Ashobien: -En bushca -cac UU ancuen nidquid pinchuc podo bedeapac cadenec.

Ashobien sedunte beshumpac cadenec.

Adobidanec nidequic shubuno puduedpac cadenec.

Adec puduedash tabadnubien cuemboed: -Dadan acosh -quec éetuidpac caondash.

Ashobien nienidquin: -Ma aidi chopacmoc -capac cadenec.

Adashic puduedpac cadenec. -Adquidquimbo aton chia icnushenda. Con dada nemiadosh -quepen isec tsadac cadenec. Adtanec choampic. Adpac cadenec quequin aited chiombi.

-¿Atotsi chlaid iso? -quequin chuimiaid

1. -¿Tsutsi ne? -cac abi cuēmēdaid ¿badedquioda chuipac cadenec?

2. ¿Mitsicquid cuëmédac padec cuëmédpac cadenec?
3. ¿Atotsi cac: -Isnuequini nioc -quepac cadenec?
4. ¿Atotsi eshun mani sin chocueshcaid acmedonepac cadenec?
5. ¿Atotsi caboqui cuenuidpac cadenec?
6. ¿Mitsipaden beduapac cadenec?
7. -¿Mitsiuësh cho? -cac ¿atotsi quepac cadenec?
8. ¿Asho tantlashun ¿atotsi capac cadenec camombon.
9. ¿Atotsi bedbidampac cadenec?
10. ¿Asho: -En nata -cac ¿atotsi napac cadenec?
11. Shubun puduedash tsadnuc ¿tsutsi eetuidpac cadenec?

Dicun bëchicpac cadened

Dicun bëchicpac cadened chuinu.

-Chushiuatanu -quianec nishun poishto chushiuapac cadenec, abucquid chedo, shëcten chedo, shëcten amë chedo, daëdpenquo. Në tapu utsin tedbidi në tapu utsin tedbidi iquec chushiuaid tsindoadpac cadenec.

Adnubien: -Ënquimbi chushi uanun poishto tēcchintanu -quianec abitedimbo capuec nidpac caondash. Padnuen chido bacuë tishaid abentsëqui nuntan anoetsac cadenec. Shubu poccuëscatsëcquin shubu uaidën abentsëqui otacquo diadpac cadenec, chido bacuë tishaid.

Adnubien dicu bud-budpac cadenec.

Cuëte pachi dapa tancandaëdpamboec nidquidënuësh bushumbien matsesën di dadbampac cadenec. Tëshquën utsin icquidic utsin adembidi dadbampac caondash.

Di abitedi dadbantaneshumbic chushiuaidtsen istuidpac cadenec.

Istuishumbic: -Tso tauipac -queshun shubu nuntan tabadacno sambudpac cadenec.

Sambudshumbien dëccuës-dëccuëscabampac cadenec, uëtsëdtoshon chidon isnuc. Tauiaid abitedimbo dëccuës-dëccuëscabampac cadenec.

Ashumbien manëdaid uapac cadenec.

Manëdaid uatanquimbien poishto chushiuaido cuëte podidiadotanepac caondash. Abucquidtedi cuëte podidiadoac abuc nidan-nidampac cadenec. Poishto cuëdën-cuëdëntsëcquieic nidpac cadenec. -A a a a quec cuëdën-cuëdëntsëcquieic nidpac cadenec.

Aid nidnubi chëshëid cuëdën-cuëdëntsëcquieic nidpac cadenec. -E e e e -quepac cadenec, cuëdëne.

Aid nidnubi bëchun: -Bëtsiton bëtsiton bëtsiton bëtsiton -quec cuëdën-cuëdëntsëcquieic nidpac cadenec.

Aid nidnubi bëchun ushu.

Aid nidnubi uadë: -Tsocon tsocon tsocon tsocon -quepac cadenec.

Aid nidnubi shuinte uë-uëshquetsëcquieic nidanepac cadenec.

Aid nidnubi achu yo-yoquepamboec nidanepac cadenec.
 Adec abucquid abitedi abuc niedopac cadenec. Padnuc
 nidaidën capuquidobic nidaidën nidanepac cadenec.

Aden chushi uaid abitedimbo nidanemiashien: -¿Adecta
 nuqui budnush cuédëneque? Tanuna -quepash cuédëmpac cadenec.
 -Dicu dicu dicu dicu dicu -quecuededpac cadenec.

Adec cuédëntanashic dectatonepac cadenec, aton shubu
 yacno.

-¿Atotsi chiaid iso? -quequin chuimaid

1. -Chushiuatanu -quianec nishun ¿tedtsi chushiuapac
 cadenec?
2. ¿Tapu abentsëquida chushiuapac cadenec?
3. ¿Atotsi quianec capuec nidaniac caondash?
4. Adanec nidbon bacuë tishquidën ¿atotsi
 onquesho tantiapac cadenec?
5. Chidon isnuc ¿atotsi dicun matsesën di nabampac
 cadenec?
6. Ashumbi chushiuaidtsen ¿mitsipadobampac
 cadenec dicun?
7. Dëccuëscabanshun ¿mitsipadobampac cadenec?
8. Adoac ¿mitsipadpac cadenec chushiuaidtëdi?
9. Nidanemiash ¿atotsi quetanec cuédëmpac
 cadenec dicu?

Dectatonebon ushë budambi capuquido cho-chopac cadenec.

Cho-choshobien chuipac cadenec chidon. -Miqui
 chushiuaboedo poishto abitedi cuëte podidiadotaneposh dicun.
 Adoac poishto abitedimbo nidaniosh. Shëctembic adecbidi
 nidaniosh. Miqui chushiuaboedo nidanemetanec: ¿Adecta nuqui
 budnush cuédëne? quetanec cuédëmposh -quepac cadenec chido.

Adnubien: -Muachitenec. Amben shau andëmauapanuen
 pepash nequido -quepac cadenec.

Adoqui chido: -Abimbombi caic. ¿Muectabi ne?
 ¿Adtedquioda pepaid? Dicun uicuemebanosh. Nëncuemebanosh.
 Nëncuemiac në shuinteuidquio uëuënquetsëcquiec nidec. Në

uadëmpiuidquio tsocon tsocon quetsëcquiec nidec. Nè
 chëshëlduidquio cuédën-cuédëntsëcquiec nidec. Nè
 bëchunuidquio cuédën-cuédëntsëcquiec nidec. Nè
 shëctenuidquio si-sidquetsëcquiec nidec. Nè shëcten amë
 si-sidquetsëcquiec nidec quiosh. ¿Umbida pio? Nè abucquid
 chedo cuédën-cuédëntsëcquiec nidosh. ¿Umbida pio?
 ¿Adtedquioda pepaid? Dicun naosh. ¿Muectabi ne? -quetsac
 cadenec chido.

Adnubien bënënguio tsaues bëpac cadenec.

Ashobien bënëmbo chuipac cadenec. Adoaquien: -Con
 chidon abimbo calc -quepac cadenec.

Ashumbic chidon badedquio codoashun tsaues pepac
 cadenec.

Badedquio tsaues codoashun piashic bënëbëd umanuc
 ushten cuëmpac cadenec.

-Muec nec -quequidobic niqenquiocpac cadenec. Padnuen
 dicu isboed chido bënëbëdtsëqui umanuc ushten cuentsac
 cadenec. Cuenash ushenquio yec tantiec diadpac caondash.
 -¿Adecta nuqui budnush cuédëneque? Tanuna -quiash
 cuédënoshe. Tantia -quec ushenquio yec diadpac caondash

Adnubien abentsëc shubu cachon usudpac cadenec:
 -¿Abimboda caoshe? Isnu -quec.

Padnubi: -Mua -quequid abitedi-samëdpac caondash.

Adashic ushtopac caondash.

Adnubien: -Budnush cuédënebi -queboedquio cuédëndopac
 caondash. Dicu dicu dicu dicu quiampac cadenec, cuédëne.

Asho tantiashien: -Budnush nec -quepac caondash chido.

Adash tantiec diadnubien: -Mmc mmc mmc mmc -quec
 abitedimbo tē-tēnquetsëquiec tsadampac cadenec.

Adbon badiadnuc isaquien nimëdcuededtsëcquiec dicun
 bëchicaid matses icpac caondash.

Nimëdequi aton acte uetenobi nëpaëdbudnepac caondash.
 -Tanete bëosh queta pau -quepec nëpaëdac caondash. -Èbi peta
 -quec adpac cadenec.

Utsibic: -Cachita bëosh, queta pau -quepec nëpaëdac
 caondash.

Utsibic: -Nuëcquid bëosh, queta pau -quepac caondash.

Utsibic: -Secte bēosh, queta pau -quepac caondash.

Utsibic: -Dayumenquid tsadosh, queta pau -quepec chuc nēpaēdpac caondash.

Chidobic adecbidi -Dēco quequin con tsien anchicshun peta pau -quepac cadenec. Aden chuibanec nēpaēdbudnepac cadenec, dicun bēchicaid matses.

-¿Atotsi chiaid iso? -quequin chuimiaid

1. Dectatonebon ¿mitsimbo ushēnuc capuquido cho-chopac cadenec?
2. Cho-chosho ¿atotsi capac cadenec chidon?
3. Aden chiac ¿atotsi matses quecuededpac cadenec?
4. ¿Tsutsi umanuc ushten cuempac cadenec?
5. ¿Atotsi quiash adpac cadenec?
6. Padnuc abentsēc ¿mitsimbo ompodpac cadenec?
7. Padnuc mua quequido ¿mitsipadpac cadenec?
8. Tantiec diadnuc ¿mitsipadcuededampac cadenec matses dicun bēchicac?
9. Chidon badiadnuc isaquien ¿mitsi padcuededtsēcquiec matses icpac cadenec?
10. Nimēdequi ¿mitsipadentsi chiec nēpaēdbudnepac cadenec?
11. ¿Dadan chiaidbidida chidon chuipac cadenec?

Adec nēpaēdbudnesho isanec shubuno chiec chopac cadenec. Choshon chuituidpac cadenec. -Mibi capuec nidanian dicu budash: Nēmbobi tabadec. ¿adecta nuqui budnush cuēdeneque? Tanuna, quiash cuēdenosh.

Ashumbic: -Miqui chushiuaido cuēte podidiadoquin nicaosh, caqui: Muachitenec. Amben shau andēmauapanuen pepash nequido, quiad-quiadsho dicun bēchicosh -quetuidpac cadenec.

Adoaquien matses daēdpen cho-chopac cadenec.

Cho-choshombien cuète pachi dapa tapu uatuidpac cadenec.

Tapu uashumbien dèdtopac cadenec.

Dèdtonobien: -Mimbi nadacaimen. Mimbi cuesunenquimbo iquec -quepac cadenec dicun chido abucuësh, dèdquido mamëshunec.

Dèdnubien abucshun matsesèn èshè toc toc toc toc toncabanec mamènanepac cadenec. Oo oo oo oshoshoquianepac caondash. tonquesho tantiash mamènac.

Adnubi dèdpac cadenec.

Utsibombic u cuenadquin dadèdpac cadenec: -Nienushe -queshun.

Adnubien icsa siabudpac caondash dicun chidon. -Abucsho mimbi nadacainquimbo. Mimbi cuesunenquimbo -capac caondash.

Dèdnubi inchëshpac cadenec.

Inchèsho isashien: -Inchèshèn nienushe -quiash ushenquo tatabèdpac cadenec.

Ambobi tatabèdnubi badiadpac cadenec.

Badiadnubi padpiden dèdtoapac cadenec. Moconpenquo nidaid cuènoten dèdquin baded dèdenquo icpac cadenec. Adquidèn nuquin mèdimbon dèdpac cadenec, cuète. Badiadash ushè yaquèdan totoshbadpac cadenec. Totosh totosh.

Adnubien: -Nuqui nadaquemèn. Padtec -quepac caondash dicun chido.

Adnubi uebudnuc: -Nienushe -quiash uu cuenadec matses daquiadpac cadenec.

Adnubien yuepactsèc ictanec uebudpac cadenec.

Adnubien daquiadboedo niechoquin isac nimèdcuededtsècquiec icpac cadenec, cuète pachi dapa uebudquin podquèmbanac.

Ashobien cuesun siapac caondash.

-¿Atotsi chiaid iso? -quequin chuimiaid

1. Acte nèpaèdbudnesho isanec ¿mitsipadpac cadenec?
2. ¿Mitsipadentsi chuituidpac cadenec?
3. Cho-choshon ¿mitsipadopac cadenec cuète pachi dapa?

4. Adonoc ¿atotsi quepac cadenec dicun chido?
5. ¿Mitsipadoec mamēnanepac cadenec?
6. Aid cuēte dēdnubi ¿mitsipadopac cadenec
utsibon?
7. Inchēshēn: ¿mitsipadpac cadenec: -Nienushe
-quiash.
8. ¿Mitsicquidēn dēdac baded dēdadenquio
icpac cadenec?
9. Badiadash ushē yaquēdan ¿mitsipadpac
cadenec cuēte pachi dapa?
10. Asho tantiash ¿atotsi quepac cadenec dicun
chido?
11. Cuēte uebudquin ¿mitsipadobampac cadenec
dicu?
12. Asho ¿mitsipadopac cadenec matsesēn?

Ai, dicu nimēdcuededtsecsho cunesun siapac cadenec
matsesēn.

Ashun isquien mēctashquetanquidēn podquēdabicquidēn
cuidin chido diadpac cadenec, chido buntacquo.

Asho isumbien: -Cunesunenu -queshobien: -Chēn. Chēn.
Embiquen bednu. Chido neque -quepac cadenec.

-Adquid intiapibi -quenquilocquimbic aid bedpac cadenec.
Bedshun isac mēntsis ēnapen chiun bimboec mēnidpac cadenec.
Abi ushansho bēnē ushenquilocquin
bēchodcadouid-bēchodcauidpac cadenec, ēshē chicnuen.

Ashobien mēshucpac cadenec. Adoac yueyash
quenempac caondash.

Ashumbic quenēnacsho: -Titado penu -quequin buampac
cadenec.

-Titado penu -quianec nidequi titado yacno ushtuidpac
cadenec.

Ushtuidshumbic badiashun titado tēshpac cadenec.

Adashic: -Badiadash caputanu. Poishto tēchintanu.
Titado macuesta -cac: -Ai, con tsabēbetan sianuna
-quepac caondash.

Adashic badianuc capuec nidpac cadenec. Adanec nidbon chidon aton tsabëbëtan titado nami uapac cadenec, macuesnun.

Adashien: -Chata. Chimutambono, tsabë -quenubien: -Nuquibi chimunu nid, tsabë -cac: -Cho -quianec nidpac cadenec.

Nidequi: -Nëmbo chimu, tsabë. Nëmbo chimunu -quiash uanutantsec tsadbudpac cadenec.

Adash chimuec tsadquin isaquien ucbud-ucbudpac cadenec: -Chimombi quequin.

Asho isashien aton tsabë: -Oc. Adpaidoshenda nec -quequin ispac cadenec.

Aden isnubi cuate cuështantsec anoeshquepac cadenec.

Ashobien: -¿Ada chimo? tsabë -caquien: -Ai, chimobi -quepac cadenec, chimuenquiocquin ucbudboshi.

Asho tantiashien: -Adenshenda con utsi uccasmianiash -quepac cadenec aton tsabë. Chimute shëcuë nibëdquiocquid ana shëcuënuësh ucbudpac cadenec, chimuec caid.

Ana shëcuëshun ucbudsho isbon aton bënë caputanec ushë budambi chopac cadenec. Poishto daëd bëpac cadenec.

Choacshobien aton embon: -Con tsabë ana shëcuëshun ucbud-ucbudposh. Chimobi, queposh -cac: -Uccasmiaampaido tsaduntiapl -quetanquin cunesunepac cadenec bënë. Dicun bëchicpac cadened ënquin chiombi.

-¿Atotsi chiaid iso? -quequin chuimiaid

1. ¿Mitsipadquidën chido diadpac cadenec?
2. ¿Atotsi acnu cauidpac cadenec aid?
3. ¿Mitsipadquio icpac cadenec mënsis?
4. ¿Abi ushansho mitsipadopac cadenec bënë?
5. ¿Asho isun mitsipadopac cadenec bënë?
6. ¿Yuecshun atotsi quec nidquin buampac cadenec?
7. Capuec nidbon ¿mitsipadopac cadenec chidon?
8. Adash ¿atotsi quiampac cadenec aton tsabë?
9. -Cho -quianec nidash uanotantsec tsadbushun ¿atotsi aton tsabën ispac cadenec?
10. ¿Atotsi: -Adenshenda nash -quequin ispac cadenec?

11. Aton embon chiac ʔmitsipadopac cadenec
bēnēn?

Abu paëdaid chiaid

Abu paëdpac cadened chuinu.

Abu inchëshpambocnoc umanuc puduenquin isac nëbi abu uepac cadenec. Asho isash dada daëd di pinchuc abucquio nidquid tanidadpac cadenec. Chidobi daëdbidi icpac cadenec. Aton bënëbëdi nepac caondash. Utsibi bënëbëdbidi nepac cadenec. Aidtedi di pinchuc tatabëdtsac cadenec.

Adnubien di pinchuc cuëscainquio yec dacuenadec shëcuëash matses cuëscainquio yebidi paëdpac cadenec abu. Utsitedi cuespac cadenec abun. Padnuen di pinchuc tatabëdquiduidtsëqui cuesuniambo icpac cadenec.

Adec abu paëdbocsho isaquien cuëte nibëdquiec icpac cadenec. Adecbidi nëishtedi nibëdpac cadenec. Padnuen tiedën caniquidtedi nibëdpac cadenec, quequin chiabi. -Cuëtebëta nëishtedien nibëdquiecnuc catashpondash -quepac cadenec.

Ashun isaquien shubu icbocno pachi-pachipambo yac cadenec. Nidtiapicpambo nidaid pachi-pachipambo yac cadenec. Tsasiabicquid mactac-mactacpambo yacno piacbo setsac cadenec, maní nitsintsëcquin, pachid tauí nitsintsëcquin.

Cuëtebëdi nëish abitedi nibëdnuc sebadënquiobi tabadcuenetsac cadenec matses.

Sebadënquiobi tabadcuenenubi yueyash cuëte canidotsac cadenec.

Aid canidotsac padtsequi lambisëmpi yantsac cadenec. Aidi petsac cadenec.

Aid pebomic cuëte canidopac cadenec. Cuëte pistsëc yac padec pistsëcquid nëish yantsac cadenec.

Adashic abu-abupatsëc yanuc chiancuështsen yantsac cadenec.

Adnubic isan podo yantsac cadenec. Aidi manoadte uatsash matses tabadcuenetsac cadenec. Abi capucuen-capucuenquiacnobi capucuenequimbi manoadte uaic nidtsac cadenec. Podo abichobi podochotsëcquid aid tetsash manoadte uatsash tsadac cadenec, shubu nibëdquiecnuc.

Abucpambo yanubic cuëbu yanac cadenec. Aidi

técchinac cadenec. -Puas puas quesho técchinombi
-quepac cadenec.

Adashic: -Cuèbu petsècombi. ¿Midauëshquio chotsaid
pepombi -quepac cadenec.

-¿Atotsi chiaid iso? -quequin chuimaid

1. ¿Mitsipadquio abu paèdnush icpac cadenec?
2. Abu paèdec quiash dada daèd chido choquid daèdi mitsi
padpac cadenec?
3. Di pinchuc tatabèdnuc ¿mitsipadquiec abu
paèdpac cadenec?
4. ¿Atotsi utsitedi napac cadenec abun?
5. ¿Tsutsi cuesuniambocpac cadenec?
6. Abu paèdbon isac ¿mitsipadquio icpac cadenec?
7. ¿Atotsitsen adquiobidi icpac cadenec?
8. ¿Tiedèn icquidta adembi chiac cadenec?
9. ¿Atotsitedien catashpac cadenec abun?
10. Abu paèdbon ¿mitsipadquio icpac cadenec nidaid?
11. Tsasiabi yacno ¿atotsi nac cadenec matsesèn?
12. Cuètebèd nèish nibèdnuc ¿mitsipadpac cadenec matses?
13. Sebadènquiobi tabadcuenenubi ¿mitsipadpac cadenec
cuète?
14. Cuète caniacpadeç ¿atotsitsen yampac cadenec?
15. Aid yansho ¿mitsipadopac cadenec?
16. Cuète abupatsèc yanuc mac nèishtsen ¿mitsi
padpac cadenec?
17. Isan podo yanuc matses ¿mitsipadeç tabadpac cadenec?
18. Cuète abupatsèc yanuc ¿atotsi utsi yampampic?
19. ¿Mac utsi?
20. Aid piash ¿atotsi quepac cadenec?

Adnubi matses caidpac cadenec daèdpen.

Matses caidnubi uesnid yampac cadenec. Yuctaniash aid

caic: -Con na nec -quepac caondash, utsin bèacsho isash.

-Con na neque. Beccho. Dèpiu-dèpiu icoshe. Con na neque.

Beccho -cac: -¿Aidta nec? Con nabien nec, èquè actamboed.
Muec mibi -quepac caondash, aid abentsèc danequi.

Adoaquien: -¿Muectabi ne? Con nambobien nec, èquè èmbi actamboed -quepac caondash.

Isquien aton na iquec. Adquiobidi dèpiu-dèpiumbo.

Asho isashien: -Ee nè con na iquec. Caldequi nec
-quepac caondash: -Con na nec -queuidboed.

Adashic abuctsèc cuète yanubic tambis yampac cadenec.
Aidi pepac cadenec.

Adashic cuète caniquiambic utsi-utsiec nèish noacquid yampac cadenec. A isac taè nibèdbocnobi shècten cuempac.
-Nèbimbo besquepacosh shècten -quepac cadenec. -Nèbimbo besquepacosh -queshumbic: -Abi besquiacbocno isben-isbentanu
-quianec nidquin shècten sepac caondash. Aidi pepac cadenec. -Shècten nuèmbo icpash -quepac cadenec.

A isac shèctenèn taè icboed icnubic senad besquepac.

Ashobien seshun pepac cadenec. -Chashu nec
-quepac cadenec.

Nèishamè chedobi yampac cadenec. Nidaid tsasiac padequi nad yanuc isac nèishamèn cuète podo pepac cadenec. Asho aidtsen tècchinshun pepac cadenec.

Abi cuète udi caniac padequi bèchun icpac caondash. Sipi pishtadan pishtadan quetsècquid nibèdbocnobi aid sepac cadenec. Aid seshun isaquic bèchun sepac caondash.
-¿Atotsi nè neposhba? ¿Nèidta poishto cao? -cac: -Pada. Bèchumbien nec -quepac caondash. -Bèchun padpadioshash. Nadpa bèchun ictioshash -quepac cadenec isoshaid.

Ashun tantiaquien poishto nadequec. -Ai, adquid poishto padpadioshashe. Is -quepac cadenec.

Abu paèdash nidaid chuca icnuc cuète chucabidi bèdambo icpac cadenec. Adecbidi cuète chuca icnuc nèish utsi-utisec abu paèdabicnuc icboedtedi yanac cadenec. Adecbidi nidaid chucan tabadec matses caidpac cadenec. Abu paèdpac cadened ènquin chiombi.

-¿Atotsi chiaid iso? -quequin chuimiaid

1. ¿Atotsi caidnuc uesnid yampac cadenec?
2. Uesnid bèacsho isash ¿atotsi quepac cadenec utsibo?

3. -Con na nec -queboedi ¿atotsi quiampac cadenec?
 4. Abuctséc cuète icnuc ¿atotsitsen icpac.
caondash?
 5. Cuète udictséc icnuc ¿mitsipadquilo yampac
cadenec.?
 6. ¿Atotsi nibédboed matsesèn ispac cadenec?
 7. ¿Atotsi quianec nishun shécten sepac cadenec?
 8. Pequín ¿Mitsipadquiocnoc matsesèn tampac
cadenec?
 9. ¿Aidtsen atotsi apac cadenec?
 10. Aid pebon ¿atotsi yampac cadenec?
 11. ¿Atotsi isun siac cadenec nëishamé?
 12. ¿Atotsi caniac padec béchun sipibéd yampac
cadenec.?
 13. Aid isesa ¿atotsi quepac cadenec?
 14. Asho ¿atotsi isquidèn capac cadenec?
 15. Ashun tantiac ¿atotsi nadepac cadenec?
 16. ¿Atotsi isquid quepac cadenec?
 17. Abu paédash nidaid chuca icnuc ¿atotsibidi
chuca icpac cadenec?
 18. ¿Atotsi utsi nidaid chucan tabadcuenac
cadenec?
-

Dayumênquidên yuaid

Dayumênquidên chido bacuë usunquid bedpac cadened chuinu.

Nuëcquid ancuesec nidaniac cadenec, ancuesec. Ancuesec nidaneshumbien tsibipac cadenec, nua chonquen diadacno. Tsiquëneuapac cadenec.

Tsiquëneuashumbien ancuespac cadenec. Abi ancuesaquien daëdpen unësnidpac cadenec.

Ashobien abitedishun daëdpenquio bedpac cadenec.

Bednubien chidon bacuë usunquidên tsiquëne uacno tsadquin nuëcquid pochepac cadenec.

Pohec tsadquimbi isac dayumênquidi canataca bimboec tashquepac cadenec.

Adnubien chido utsibo: -Canataca tashqueque is -cac -¿Aidquiobida nec? -quesho: -Ai, adquidi bedondambique. Baded bed -capac caondash.

Adoaquien chido: -Bednu -quianec budshun: -Mapin bednu -quequin naden podo sanambanshobien dayumênquidên pudunquin bedpac cadenec. Tsiquëne uac cubudtoacnoshon bedpac caondash.

Asho istanequien titinquechoquin bënë chuituidpac cadenec. -Min chido dayumênquidên bedosh. Min chido dayumênquidên bedosh -quetuidpac cadenec.

Adoaquien titinquec choshon tsiquëne uaid chichicquin uesadmepac caondash. Uesadmeshun isac nibëdquiocpac cadenec. Aden dayumênquidên chido bedac cadenec.

Nibësho isashien: -Con chidobëd ictiadquid niobi. Con chido: Nuëcquid bednu, quec nibëdanac -quec shubiec tsadac cadenec.

Adashien choac cadenec. Shubuno choec uintuidpac caondash. Abi sedenquecuenec. Abi sedenquecuenec. -Titan senadini. Titan senadini -quec sedenquepac caondash, baded ënëdenquio yequi.

Aden chido dayumênquidên bedondan yuectaniashien bënë: -Con chido dayumênquidên bedondacno shuinte tēcchintanu -quianec nidpac cadenec. Abi nidec. Abi nidec. Abi nidec.

Nishun isquien têtstuc bacuë cuësbud-cuësbudtsec matsesën bacuëmpin.

Abuc diadtsécsho istuidnubi quiuète podquentsash budpac caondash.

Budantsequien quiuète nin-nintsec nidec dayuménquidén dadan tsadtotsac cadenec. Dayuménquidén dadan tsadquin cuate cuidtanetsac cadenec. Tsadtanec padpidec dectatopac cadenec.

Dectatoshobien amèn ismepac cadenec.

Adoaquien sidquiantsec budantsec titinquiantsec dayuménquidén dadan tsadtoatsac cadenec.

Ashun isquien dayuménquid dapa nuamboshè shèbèdpac cadenec.

Adashien suquepamboec uepac cadenec.

-¿Atotsi chiaid iso? -quequin chuimaid

1. Tayec ¿atotsi quec nidanepac cadenec?
 2. ¿Ancuesnun mitsipadopac cadenec?
 3. Nuécquid bednubi chido usunquidén ¿atotsi tsiquènè uacnoshon napac cadenec?
 4. Pohec tsadquin chidon ¿atotsi bimboecsho ispac cadenec?
 5. ¿Atotsi chido utsibon cac bednu quianec budpac cadenec chido?
 6. ¿Mitsipadoudshobi dayuménquidén bedpac cadenec?
 7. ¿Atotsi bènè chuituidpac cadenec?
 8. Adoac ¿mitsipadopac cadenec bènèn?
 9. Adoshon isac ¿mitsipadquo lepac cadenec?
 10. Aden chido bedondan yuecash ¿atotsi aton bènè quiampac cadenec?
 11. Ano nishun ¿tsutsi istuidpac cadenec?
 12. Istuidac ¿mitsipadpac cadenec?
 13. Budantsec nishun ¿mitsishunquo quiuète cuidtanetsac cadenec?
 14. Dectatoasho amèn ismiac ¿mitsipadpac cadenec bacuèmpi?
-

Asho isanequien chopac cadenec. Nuntan choshombien chuituidpac cadenec. -Con chido dayumênquidên bedondacno bacuê icosh. Abuc quiuêten têtuc bacuê cuêsbud-cuêsbudtsécsho istuidac budantsec quiuête nin-nintsec nidec dayumênquidên dadan tsadtoposh. Adanec dectatoasho ismiac sidquianec dayumênquidên dadan tsadtoaposh -quepac cadenec.

Adoaquien: -¿Abida cai? papa -cac: -Ai con naboen nioshe. Miquien nêish ismesa ye. Tsicateshun bedec nid -quepac cadenec, aton mado utsibo caic.

Adoaquien: -En nid -quianec nidpac cadenec. Abi ênapen nidec. Abi ênapen nidec.

Nidquimbien istuidoapac cadenec.

Isquien têtuc bacuê cuêsbud-cuêsbudtsec abuc tsadtoatsac.

Asho isumbien: -Cuenoshe. Equêshun ismeta. Dayumênquid yaocshun dêniasshun bedtanu. Êbi nidbon yuecshun ismeta -quianec dêniaquec nidpac cadenec amê. Bédiatsécquio shu-shuedtsécquiec nidpac cadenec.

Adnubien aton mado utsibon ismenquio yec tsiquiadshun dayumênquid nêbi tsadnuc caimbudpac cadenec.

Caimbudanquio amên ismiac siuidanec titinquec choshobien bêquedbanquin bedbidanec cuempac caondash.

Adoaquien bacuê sidquepac caondash. -Yaa yaa yaa -quec sidquepac cadenec.

Adnubien dayumênquid acquimboecshê cuêdpac cadenec aaaaa. Shoyodtoash abuc isec aaaa quec êquê is êquê ispanboec cuêdpac cadenec. Uintsadpambo yec cuêdac cadenec dayumênquid dapa.

Uanoshon tantianubi acquimboec cuêdpac cadenec, bacuê ambi caniuaid beshunac.

Adnubien yuectan-yuectanshun amênquio: -Èbien nec, mado. Èbien nec -cac: -Ai, nêbi con pa umbi tantiec. Con paimbi dayumênquid dampoc -quepac cadenec bacuê.

-¿Atotsi chiaid iso? -quequin chuimiaid

1. Bacuê icsho isanec nishun ¿atotsi catuidpac cadenec nuntan?

2. Aton madon: ¿Abida cai? papa, cac ¿atotsi quepac cadenec?
3. Adoac ¿mitsipadpac cadenec?
4. ¿Mitsipadshobidi bacuëmpi istuidoapac cadenec?
5. -Cuenushe -queshun ¿mitsipadopac cadenec?
6. ¿Tsuntsin ismepac cadenec?
7. Bedac ¿mitsipadbudnepac cadenec bacuë?
8. Bacuë bedshunac ¿mitsipadpamboec dayumënquid cuëdpac cadenec?
9. Yuecshun ëbien nec, mado cac ¿atotsi bacuë quepac cadenec?

Aden bedondac bacuë caniacsho capuquin amën buampac cadenec.

Capuquin buanaquien abi bedondacnombo chunquen istuidpac cadenec.

Istuidtanquin cuate mësca podquëntan-podquëntanquin nuëcquid bësiaquin ispac cadenec.

Adoacnoëshien: -Papa, nuëcquid dadpen ye. Nuëcquid bedtanu. Piasuanushe. Con caninën piasoain ictenebique. Istanu. Ayash tëstan, papa -quepac cadenec.

Adoaquien amën: -Padicnuna, mado. Nidnuenenda -capac cadenec.

Adoaquien: -¿Nidnuectabi ne? Enden nidashtabi nidnuc. Choebi. Istanu, caimbi -quepac cadenec.

Asho tantiashien: -Padicnuna, mado. Papan bednushe -cac: -Choebi, bedtanec. Con canin nidnëdash. Mibi papan bedan con tied dapan nidtsiandabi, quedenec -quepac cadenec.

Asho tantiashien: -¿Adecta ictenec? -cac: -Ai, adtenec. Nidchitequien icnëdash con pa -quepac cadenec.

Ashumbien: -Tanete tëstan, papa. Bedtanu. Ancuntanu, nuëcquid -capac cadenec.

Adoaquien amën ayash ënapen icquidquio tëstampac cadenec.

Ayash bëacshobien amë chuipac cadenec. -Choquin ayash dëbiate chocodo-chocodocatuidendambi. Embi adosho dëdinta, papa. Ambobi tsadta, papa -quepac cadenec.

Adashien ayash buanec mentoadpac cadenec. Adec mentoadbon abi ayash naimëdbudec tsitoebudtsac cadenec. Mentoadbudtsac cadenec.

Adash nibëdquiec mentoadtsac cadenec. Nadimbo yac cadenec. Nidbon padembo tsadpac caondash amë. Anouidi isec tsadac caondash. Nadimbo.

Ushë cuembo yampac caondash. -¿Ada chopabosh? Nidchitequien niosh. Ushë budquiosho isanequini nidec -quiac caondash. Ushë cuembo yanac caondash.

Ushë cuembocnoc nadimbo yac cadenec. -Nidpequi con nabo neposh icnundac -quec shubiec tsadpac cadenec, unësquiocnoc.

Shubiec tsadnubien ushë budtsëcquian ambi chuiboc padembi ayash dëbiatetsëc chocodoatuidtsac cadenec, Dëdin, quequin.

Asho pudunquimbien amën dëdinac iuëmbo icpac cadenec.

Aden iuëmenubien aton mado tashquedopac cadenec. Tashquedosh isac chucu-chucupenquio icpac cadenec. Taënuidtsëqui chucu-chucupatsëc icpac cadenec.

Tashquedoshombien amën iuëmesho indopac cadenec. Indosh isac nuëcquid daëdpenquio icpac cadenec.

Adnubien amë: -Nidosh, queuidpobi, mado -quesho tantiash: -¿Nidectabi nio? Pequini nioc -quepac cadenec.

Adashic: -Ambi chuidenec padequi con canin nidayash: Mibi papan bedan con tied dapan nidtsiandabi, abi quedenec padequi -quepac cadenec. Nidacosh quec nidayash quepac cadenec con tsusedpabo. -Nuntan shëcuididquiocosh -quepac caondash. -Aton chutubouidi yec con canin nidayash -quepac cadenec. -Aniactsëcquid caic aton chutubo -quepac cadenec. -Con canin caniatstëcquëmbini pemiosh -quiac caondash. -Pachid shubi petsëcombi -quiac cadenec, nuëcquid caiqui. Aidedtsëqui petsëcombi. Nidacosh. Nibëdec -quiac cadenec.

Adashic: -Mecte usudosh, macum-macumpactsëc -quepac cadenec, tanete caiqui. -Tsadte macum-macumpatsëc uetsëcosh -quepac cadenec, cachita caiqui.

Adashic: -Macueste macun-macumpatsécosh. Sectebic macun-macumpactséc diadtsécosh -quepac caondash. Cachita caic macueste quepac cadenec. Secte caic sicate secte quepac cadenec.

Adnubic amèn taneshun bèpac cadenec. Tane utsi aton madon bèpac cadenec. Aden nuécquid bè-bèsho aid dada nènèchoquidèn acshunepac cadenec. Aden dayunènquidèn yuan nuécquid bèbèpac cadened ènquin chiombi.

-¿Atotsi chlaid iso? -quequin chuimiald

1. Caniacsho capuquin ¿mitsimbo buampac cadenec?
 2. Istanu, quesho ¿atotsi amèn capac cadenec?
 3. Padpiden amèn: -Nidenda -cauac ¿atotsi quepac cadenec?
 4. Aden chlash ¿atotsi bedtan, quepac cadenec, aton papa caic.
 5. Bèacsho ¿mitsipadentsi amè chuipac cadenec, nidnun?
 6. Mentoadbón ¿atotsi tsiyuec tsitoetsac cadenec?
 7. Nidbón ¿atotsi quedo-quedopac cadenec amè?
 8. ¿Mitsipadentsi ambi chuiboc padotuidpac cadenec?
 9. Amèn ayash dedinac ¿mits padquio icpac cadenec?
 10. Acte nantanoèsh choacsho isac ¿mitsipadquio aton mado icpac cadenec?
 11. Chosho isash ¿atotsi queuidobi quepac cadenec amè?
 12. Adoac ¿atotsi quepac cadenec aton mado?
 13. ¿Atotsi caiqui macueste quepac cadenec?
 14. ¿Atotsi caiqui mecte quepac cadenec?
-

Bédibéd shaë cuidnanaid utsibon chiaid

Shaë cuesbudaid nantanquo uepac cadenec.

Adnubien bēdi chopac cadenec.

Adoshombien bēdin shaë istuidpac caondash.

Istuidashien: -¿Mitsiucshun mimbi dobo acquid?

-quepac caondash.

Adoquien: -Équēshun, équēshun, équēshun

-quepac cadenec, opiocshonquo chiec. Abiucquo saosudshun opiocquo ismepac cadenec.

Ashobien bēdimba bedbidanuidpac cadenec, mamosnuequin.

Ashobien isese chicucunetsēcquien bēdi acshunepac caondash. Chicshun siatsēcquien caic chicucunetsēcquien quepac cadenec.

Adanequien u énapenquo nidash shaë uetuidac caondash.

Ashobien bēdi utsintsen istuidpac caondash.

-¿Mitsiucshun mimbi dobo acquid? -quetuidpac caondash bēdi, aton utsi acshunac.

Ashobien: -Équēshun, équēshun, équēshun quetsēcshobien abiucquo bedbidanquin mēmos-mēmosbidanquin mamospac caondash: -Mua nec -queshun.

Mamosanequien bēdi nidpac caondash. Tiombidi u énapen nidac caondash.

Ashobien shaēntsen istuidpac caondash. -¿Mitsiucshun mimbi dobo acquid? -quepac caondash.

Asho tantiatanquimbi badedi natia bedbidampac caondash, bēdi. Isese chicucunetsēcquien bēdi cuidpac caondash. Acshunepac caondash.

Adanequien padpidec nidac caondash. Aid acshunbidanec nidec sedquiaid nantan uetuidpac caondash.

Adnubien bēdi utsi choapac caondash, utsi.

-¿Mitsiucshun mimbi dobo acquid? -quetuidac cadenec bēdi.

Adoquien: -Équēshun, équēshun, équēshun

-quetsac cadenec shaë, opioc chiec.

Ashobien abiucquo bedbidanquin uédēshcante abiucquo opioc chuitsēcsho abiucquo bedbidanquin mēmos-mēmosbidanquin mamosac caondash. Mamosbidanec nidac caondash uu.

Adnubien shaë utsi choac caondash, abiuidquo choec, aton utsibo daëdpen icquid.

Bédi istuidoash: -¿Mitsiucshun mimbi dobo acquid?
-caquien: -Èquëshun -queshobien bedbidanoapac caondash bedi. Isese chicucunetsécquien uèdëshcaoapac caondash, bedi.

Adanequien nidoapac caondash uu. Padpidec uetuidoapac caondash shaë

Ashobien bédin padpiden istuidoapac caondash, padpidec uetuidacsho. -¿Mitsiucshun mimbi dobo acquid? -cac: -Èquëshun, èquëshun, èquëshun -queshobien muatsécsho abiucquo bedbidanquin mēmos-mēmosbidanquin mamospac caondash.

Ashobien bēdiatséc uèdëshcauidtsac caondash, bédin dada, cuidenquiocquin.

Adanequien bēdi nidoapac caondash, mamosanec.

Ashobien shaëntsen bēdi istuidoapac caondash.
-¿Mitsipaden mibi dobo acquid? -quetanquimbi bedbidanoac caondash, isese chicucunetsécquien.

Adobidanequien shaë nidoapac caondash. Sedquiaid nantambidi uetuidac caondash.

Adnubien bēdi choac caondash.

Ashumbien bédin padpiden istuidoapac caondash, shaë.
-¿Mitsiucshun mimbi dobo acquid? -cac: -Èquëshun, èquëshun, èquëshun -quequin abiucquo muauuidtsac cadenec, aton utsibo muauaboc padec.

Ashobien abiucquo bedbidanquin mēmos-mēmosbidanquin mamospac caondash.

Adanequien bēdi nidoapac caondash.

Adnubien padpidec shaëntsen choac caondash. Choash: -¿Mitsiucshun mimbi dobo acquid? -quetanquimbien bedbidanpac caondash. Shaën uèdëshcac caondash, isese chicucunetsécquien.

Adanequien padpidimboec shaë nidoatsac caondash. Adanec nidec adtiombidi uetuidac caondash.

Ashobien bédin: -¿Mitsiucshun mimbi dobo acquid? -cac: -Èquëshun -quetsécsho shaë mamospac caondash, adomboembidi.

Adanequien bēdi nidoapac caondash.

Ashumbien shaentsen bëdi istuidoapac caondash.

-¿Mitsiucshun mîmbi dobo acquid? -quetanquimbi
bedbidampac caondash, adomboembidi.

Adembidi bëdi uedëshcanec nidec shaë uetuidac caondash.

Adnubien padpiden bëdin shaempi istuidoapac caondash.

Shaë aniamboctscëquidëmpi nepac cadenec. Nectscë nidnushti.

Adanequien: -¿Mitsiucshun mîmbi dobo acquid? -cac:

-Uquëshun, uquëshun -quiac caondash, muainquio yequi.

Ashobien bëdin mua danquin bedbidanuidshobien isese
chicucun-chicucuntsëcquien uedëshcanec cuenanidequi cuenac.
Ma acte paëdcuidanec acte tambuduidequi actenuidi acten
noad-noadequi nide uc. Pudundocuidanec adecbidi acte
paëdcuidanec pudundocuidanec adecbidi acte
podtiac-potiactscëquilec acte potiac-potiactscëquilec acte
potiacbidanec abi nide uc. Adecbidi acte nuaidquio isash
actenuidi nidequi pudundoanec nide uc. Macuësh
naquiad-naquiadtsëcquilec shaë nidac caondash u, ênapenquio.
Bëdi choenquio yac cadenec.

-¿Atotsi chiaid iso? -quequin chuimiaid

1. Tayec ¿atotsi cuesbudaid nantan uetuidpac
cadenec?
 2. Asho ¿tsuntsin istuidpac cadenec?
 3. Istuidash ¿atotsi quec onquepac cadenec bëdi?
 4. Adoac ¿mitsipaden ismpac cadenec shaën?
 5. Asho ¿mitsipadouidpac cadenec bëdin?
 6. Asho ¿mitsipadopac cadenec shaën?
¿Copiocshonda napac cadenec?
 7. Cuenacsho atontsin istuidoapac cadenec?
 8. ¿Atotsi cananash acshunenampac cadenec?
 9. ¿Atotsi aniactscëquid chopac cadenec?
 10. ¿Mitsipadquid acshunianec cuempac cadenec?
 11. ¿Tiontsi shaë cuempac cadenec?
-

Bëdibëd shaë acnanaid

Bëdi nidpac caondash.

Nidquimbi chochoshëmpiba istuidtsac cadenec,
quepadenec. Tsatsin caic chochoshëmpi quepadenec.

Puduntsentsëcquien itsac caondash.

Ashumbien bëdin: -En dobo mëtan -caquien: -Ebi cuenesa
chosh. Ebi cuenesa chosh -quepac cadenec.

Ashumbi padpiden: -Baded dobo mëtan -caquien chodododo
tuc an ënden cuenan dëmumpac cadenec bëdin. Enden cuenan
dëmumpash tsaduidac cadenec, cuenabi danequi.

Ashumbi padpiden bëdin: -Baded dobo mëtan
caoapac cadenec, nunte tëshodco nasiadcuidanec cuembon.
-Baded dobo mëtan -cac nadimbo icpac cadenec.

Ashumbien nunte tëshodco cues-cuesquin canche-canchepac
caondash.

Ashun isquien nasiadac. Nibëdec. Enden cuenac.

Asho isashien: -Endenquo mos-mosca cachitotec con
-quepac caondash bëdi.

Adampequien abi nidec. Abi nidec. Abi nidec.

Abi nidquimbien senad bëquedpac caondash.

Puduntsentsëcquien isac caondash.

Bëqueshumbien: -Mibi utsibo uamiantiadpa, baba. Mibi
utsibo uamiantiadpa, baba. Nëmbo nidta -capac cadenec, acte
lcquidënquo caic, amben acte cuëman nidacsho penuen.

Adoaquien: -¿Nëmboda cai? ¿Nëmboda cai? -cac: -Ai, ambo
nidta -capac caondash bëdin.

Adoaquien abi nidec. Abi nidec. Abi nidec.

Chiaidënquo nidquimbi aïdbidi bëquedoatsac cadenec
senadën. Isquien dëniacpashquo bëdi uepec.

Aden bëquedaquien: -Mibi utsibo uamiantiadpa, baba.
Èquë nid -caboc nëbi mibi choaic. Nëmbo nid -quepac cadenec
muaic, amben dëniacbudbanequi.

Adoaquien: -¿Nëmboda cai? Nëmbo cai? -caoac: -Ai,
ambo nidta -caquien chiaidënquïobi niduidoatsac cadenec.

Adec nidquimbi bëdibidi bëquedoatsac cadenec senadën.

Ashun isquien abibidi ueopec.

Aden bëquedoaquien: -Mibi utsibo uamiantiadpa, baba.

Èquè nid, caboc nèbi mibi choaic. Nèmbo nidta -queoapac cadenec bēdi.

Adoaquien: -¿Nemboda cai? Nemboda cai? -caoac: -Ai, ambo nidta -caquien chiaidēnquiobi niduidoatsac cadenec.

Adec nidquimbi bēdibidi bēquedoatsac cadenec senadēn. Ashun isquien abibidi ueoapac.

Aden bēquedoaquien: -Mibi utsibo uamiantiadpa, baba. Èquè nid, caboc nèbi mibi choaic. Nè nid, caombi. Nèmbo nidta -queoapac cadenec bēdi. -Acte nibēdacnoshon pemane -quiash adpac cadenec.

Adembi dēniacbudbēquin adobēquimbi acte cuēman niste nidquid tayunshun calmbudtsac cadenec, senad bēdin.

Aden calmbudanquio actiacho budcuētsentsec senad chouldtsac cadenec.

Actiacho budcuētsentsec choshobien: -Èquè nid, caboc nèbi mibi choaic. Nèmbo nid, caboc mibi choded-chodedoc -caquien: -Ma mimbi chiaidēnquio mibi choaboc -quequin tantiabentsēcsho actsac cadenec bēdin. Senad: -Eeeec -quec tsidqueuidtsēcsho actsac cadenec. Adoshon acte cuēman uequin piac cadenec, senad bēdin.

-¿Atotsi chiaid iso? -quequin chuimlaid

1. ¿Atotsiba bēdin istuidpac cadenec?
 2. ¿Atotsi ēbi na quepac cadenec bēdi, aid caic?
 3. Adoac ¿atotsi quepac cadenec chochosh?
 4. Ènden cuembombi ¿mitsipadash bēdi tsaduidpac cadenec?
 5. ¿Mitsipadec chochoshēmpi cuentsac cadenec?
 6. Cuenacsho isash ¿atotsi quepac cadenec bēdi?
 7. Adanec nidquin ¿atotsi utsi bēquedpac caondash?
 8. ¿Mitsipadentsi acnun chuipac cadenec?
 9. ¿Mitsimbo bēdin buampac cadenec? ¿Atotsi eshun ambo buampac cadenec?
 10. ¿Atotsi quetsēcsho acshumpac cadenec?
-

Senad acanec nidpac cadenec bëdi. Abi nidec. Abi nidec.
Abi nidec.

Abi nidquimbien bëdin shaë podobitsin sebad nantanquo
bëquedpac cadenec.

Bëquedshumbic bëdin: -Mibi utsibo uamiantiadpa, baba
-caoapac cadenec.

Adoaquien: -Mibimben utsibo uamiantiadpa, baba -capac
cadenec shaën.

Ashumbien bëdin chiec: -¿Mitsiucshun mimbi dobo acquid?
-capac cadenec.

Adoaquien ënden abiucquo sausudtsëcshun copioc
ismetsac cadenec: -Èquëshun, èquëshun -quequin.

Aden ismiaquien bëdi: -¿Mitsimbo dobo actsia? -caquien
shaën podo ananquo chuipac cadenec

-Nëmbo -caquien bëdi: -Mëmuntemanombo mimbi chiec
-quepac cadenec.

Ashumbic shaëntsen bëdi chuipac cadenec. -Ma mimbi
¿mitsimbo dobo actsia? -caquien: -Nëmbo -quepac cadenec,
mapi tsitsunombo caic.

Adoaquien: -Mëmuntemanombo mimbi chiec -quepac caondash
shaëtsen. Aden: ¿Mitsiucquo abiuc icpec? -Copioc mëmosac
abiucüësh cuidantsiash -quequin abiucquo mëmosnuen:
-¿Mitsiucshun dobo actsia? -cac copioc ismec: -Èquëshun
-quepac cadenec shaë.

Aden copioc abi bësananshobien abi bësananaqui bëdin
bedbidanuidpac caondash.

Aden abi bedbidanuishobien nëbi abiucshun podo ansequin
shictodo podquëmbanetsëcquien isese chicucunetsëcquien bëdi
acshunepac caondash shaën.

Shaëbic mëmosuidaid uënësabi icpac cadenec. Uënësabi
yec cuempac cadenec. Cuenash ënapen nidash
uetuidpac cadenec.

Bëdin mëmosuidboed paëmbocnoc uenubien bëdi utsi
taënuësh choquin shaë istuidpac cadenec.

Istuidtanquimbien bëdin shaë caic: -Ma ëdi con baba
acpachoc. ¿Tsuntsin naccosh? -caquien shaë: -Tsaudi. Embi
isabi. Embi padabi. Maui cuidin conquëquid conquenuc chosho

pécuesuidondaquini uecuenec --quepac caondash shaë, muequi.

Adoaquien bēdin: -Pada. Mimbimbobien naccoc. Teshēnc. Nēmbobien choacosh. Nēmbobi choequi nēmbobi mibi uetuidac. Mimbimbobien naccoc. Teshēnc. Baded min tsiado ēbi mene. Mibi dobo acnēdaidquio ēbi mene -capac caondash bēdin, shaë caic.

Adoaqui shaë: -Embi nambo iquec -queuidtsac cadenec.

Ashobien bedbidantsac caondash bēdin.

Aden abi bedbidanshobien shaën cuiduidtsac cadenec.

Ashobien bēdin acshunequiotsac cadenec.

Adotanequien cuenequi intac mēyan-mēyantsēcquiec cuempac cadenec.

Ēnapen cuenashic cuēte dapa tsibēn icpadicquid adno shēcuen uetuidpac cadenec bēdi, shaën acuidaaid paēmboconoc.

Uetuidash uiadtan-uidtanubien acte shaë dapanquio taë bedampac cadenec.

Taë bedanshun taë tanquin uiadtaneshobi istuidpac cadenec bēdi.

Istuidshumbien: --Ma con baba ēdi apacbac. ¿Tsuntsin naccosh? --caquien: --Tsaudi. Embi isabi. Embi nambo iquec. Buintadēn siadboshini nēnec uec nē. Buintad cueshquequidēn siaduidobi, shēcten amē nadancashun acnuec --quepac cadenec bēdi.

Ashobien: -Mimbimbobien nacoc. Teshēnc. Muequi mibi nec -quetanquin bedbidampac cadenec bēdi. Bedbidanshun podo anseshunequioquin isese chicucunetsēcquien acshunequiopac cadenec, bēdi shaë dapan.

Aden acshunetanec cuenquiopac cadenec shaë. Ēnapen cuenec acte pote-potetsēcquiec cuempac cadenec. Acte anan nidash pudundoash queded-quededtsēcquiec nidec ēnapen cuenac cadene uuuuc. Adash chinumēdtiapimbo yec umbo shaë dapambo cuempac cadenec. Shaë ēnquin chiombi.

-¿Atotsi chiaid iso? -quequin chuimiaid

1. Senad acanec nidquimbi ¿atotsi utsi istuidtsac cadenec?
2. Istuidash ¿atotsi quec onquepac cadenec bēdi?
3. Adoac ¿atotsi queoapac cadenec shaë?

4. Padpiden chiec atotsi quepac cadenec bēdi?
 5. Adoac ŷmitsipaden ismepac cadenec shaën?
 6. Aden ismiac ŷmitsipadote chuinaŷpac cadenec?
 7. ŷAtotsi queshun copioc ismepac cadenec shaën?
 8. Abi ŷmitsipadosho bēdin bedbidampac caondash?
 9. Aden abi bedbidanuidsho ŷmitsipadomboen acshunepac cadenec, bēdi?
 10. Enapen cuenash ŷatotsi quec uetuidpac cadenec?
 11. Asho ŷatontsin istuidoapac cadenec?
 12. Istuishun ŷatotsi capac cadenec?
 13. ŷAtotsi quiash uebi, quepac cadenec shaë?
 14. Adoac ŷatotsi bēdi queoapac cadenec?
 15. ŷMitsicquid acshunequiopac cadenec?
 16. ŷAtotsi quiash bēdi uiadtan-uidtampac cadenec?
 17. Adnuc ŷatotsi dapa chopac cadenec?
 18. ŷAtotsi bēdi catuidpac cadenec?
 19. Adoac ŷatotsi quepac cadenec bēdi?
 20. Asho ŷatotsi cauapac cadenec shaën?
 21. ŷMitsicquid acshunequiopac cadenec?
 22. ŷTiontsi shaë cuempac cadenec?
-